

醫

學

綱

目

醫學綱目卷之一

陰陽臟腑部

陰陽

榮衛

素陰陽者天地之道也萬物之綱紀變化之父母生殺之  
本始神明之府也治病必求於本積陽爲大積陰爲地陰  
靜陽躁陽生陰長陽殺陰藏陽化氣陰成形陰陽應象論

清陽爲天濁陰爲地地氣上爲雲天氣下爲雨雨出地氣  
雲出天氣故清陽出上竅濁陰出下竅清陽發腠理濁陰  
走五臟清陽實四肢濁陰歸六腑水爲陰火爲陽陽爲氣  
陰爲味味歸形形歸氣氣歸精精歸化精食氣氣形食味化  
生精氣生形味傷形氣傷精精化爲氣氣傷於味陰味出  
下竅陽氣出上竅同上

天食人以五氣地食人以五味五氣入鼻藏於心肺上使  
五色修明音聲能彰五味入口藏於腸胃味有所藏以養

榮行脉  
中衛行  
肺力

五氣氣和而生津液相成神乃自生

六節藏象論

靈人受氣於穀穀入於胃以傳與肺五臟六腑皆以受氣

其清者為榮濁者為衛榮在脉中衛在脉外榮周不休五

十而復大會陰陽相貫如環無端

榮衛生會篇

○其浮氣之不

循經者為衛氣其精氣之行于經者為榮氣

衛氣篇

素榮者水穀之精氣也和調於五臟灑陳於六府乃能入

於脉也故循脉上下貫五臟絡六腑也衛者水穀之悍氣

也其氣慄疾滑利不能入於脉也故循皮膚之中分肉之

間薰於膏膜散於胸腹

論

靈五穀入於胃也其糟粕津液宗氣分為三隧故宗氣積

於胃中出於喉嚨以貫心脉而行呼吸焉榮氣者泌其津

液注之於脉化以爲血以榮四末內注五臟六腑以應刻

數焉衛氣者出其悍氣之慄疾而先行於四末分肉皮膚

榮衛應  
宗氣之  
呼吸

之閒而不休者也。晝行於陽，夜行於陰，常從足少陰之分

間行於五臟六腑。

邪客篇

帝曰：榮衛之行，奈何岐伯曰：穀始入於胃，其精微者，先出於胃之兩焦，以溉五臟，別出兩行榮衛之道。其大氣之搏而不行者，積於胃中，名曰氣海。出於肺，循喉咽，故呼則出，吸則入。天地之精氣，其大數常出三入一，故穀不入半日，則氣衰，一日則氣少矣。

五藏篇

衛法天  
營法地  
之清地

丹溪：天地屬金說。邵子曰：天依地，地附天，天地自相依

附。內經曰：大氣舉地。夫自清濁肇分，天以氣運於外，而攝水地以形居於中，而浮於水者，也是氣也。即天之謂也。自其無極者觀之，故曰大氣至清，至剛至健，屬乎金者也。非至剛不能攝其水，非至健不能運行不息，以舉地之重，非至清其剛健不能長久，上古而不老，或曰子以天氣為屬。

金固周易乾卦取象之義何至遂以屬金言之乎善言天者必有證於人善言大者必取譬於小願明以告我曰天生萬物人為貴人形象天可以取譬肺主氣外應皮毛內經謂陽為外衛非皮毛乎此天之象也其包裹骨肉臟腑於其中此地之象也血行於皮裏肉腠晝夜周流無端此水之象也合三者而觀非水浮地天攝水地懸於中乎聖人作易取金為天氣之象厥有旨焉

劉河間說脉者血氣之先斯論得之矣人身之脉血氣之所為而不知所以周流不息者正乾道乾乾之意也亦猶理之寓乎氣所以為血氣之先先之一字厥有旨焉

補行脉  
外五十  
周

靈黃帝曰願聞衛氣之行出入之合何如伯高曰歲有十二月日有十二辰子午為經卯酉為緯周天二十八宿而一面七星四七二十八宿房昴為緯虛張為經是故房至

畢爲陽昂至尾爲陰陽主晝陰主夜故衛氣之行一日一

夜五十周於身晝日行於陽二十五周夜行於陰二十五

周周行五臟是故平旦陰盡陽氣出於目目張則氣上行

於頭循項下足太陽循背下至小指之端其散者別於目

銳眥下手太陽下至手小指之間外側其散者別於目銳

眥下足少陽注小指次指之間以上以上二字衍文也其

循手少陽之分側下至小指之間別者以上以上二字至

耳前合於頰脉注足陽明以下行至肘上入五指之間其

散者從耳下下手陽明入於大指之間入掌中其至於足

也入足心出內踝下作蠡行陰分復合於目故爲一周是

故日行一舍人氣行於身一周與十分身之八日行二舍

人氣行三周於身與十分身之六日行三舍人氣行於身

五周與十分身之四日行四舍人氣行於身七周與十分

身之三周與十分身之二日行五舍人氣行於身九周與十分

身之二日行五舍人氣行於身九周日行六舍人氣行於  
身十周與十分身之八日行七舍人氣行於身十二周在  
身在身二字與十分身之六日行十四舍人氣二十五周  
於身有奇分與十分身之四陽盡於陰陰受氣矣其始入  
於陰常從足少陰注於腎腎注於心心注於肺肺注於肝  
肝注於脾脾復注於腎爲周是故夜行一舍人氣行於陰  
臟一周與十分臟之八亦如行陽之二十五周而復合於  
目陰陽一日一夜合有奇分十分身之四與十分藏之二  
是故人之所以臥起之時有早晏者奇分之不盡故也氣衛

右衛氣之行晝行陽則目張而寤夜行陰則目瞑而寐  
謹按此節言平旦陽氣之出目而下行於手足三陽也  
皆一時分道並注非有先後次第也此經篇末言水下

陽氣有  
晝夜陰  
陽之分

一刻人氣在太陽水下二刻人氣在少陽水下三刻人氣在陽明水下四刻人氣在陰分者則是先下太陽究竟然後下少陽究竟然後下陽明候陽明究竟方上行陰分大與此節矛盾蓋衍文也

素陽氣者一日而主外平旦人氣生日中而陽氣隆日西而陽氣已虛氣門乃閉是故暮而收拒無擾筋骨無見霧露及此三時形乃困薄

生氣通  
大論

靈衛氣行於陰二十五度行於陽二十五度分為晝夜故氣至陽而起至陰而止故曰日中而陽隴為重陽夜半而陰隴為重陰故大陰主內太陽主外各行二十五度分為晝夜夜半為陰隴夜半後而為陰衰平旦陰盡而陽受氣矣日中為陽隴日西而陽衰日入陽盡而陰受氣矣夜半而大會萬民皆臥命曰合陰平旦陰盡而陽受氣如是無



已與天地同紀榮衛生

榮行脈  
別五下

黃帝曰余願聞五十榮索何岐伯荅曰天周二十八宿宿

榮氣無  
勝之

三十六分人氣行一周人氣行一周之八下當有十八分八  
分之上當有宿字下當有人氣行五十分身八字蓋天  
同二十八宿宿三十六分人氣行一周於身與十分身之  
八宿二百六十分人氣行五十周於身也日行二十八宿人

身宿未分人氣行五十周於身也日行二十八宿人  
經脉上下左右前後二十八脉周身十六丈二尺以應二

十八宿滿水下百刻以分晝夜故人一呼脉再動氣行三

寸一吸脉亦再動氣行三寸呼吸定息氣行六寸十息氣

行六尺日行二分日行一分之上當有二十息二百七

十息氣行十六丈二尺氣行交通於中一周於身下水二

刻日行二十五分作二十分當五百四十息氣行再周於

身下水四刻日行四十分二千七百息氣行十周於身下

水二十刻日行五宿二十分一萬三千五百息氣行五十

榮於身水下百刻日行二十八宿漏水皆盡脉終矣所謂  
交通者并行一數也故五十榮備得盡天地之壽矣凡行  
八百一十丈也經計 黃帝曰榮氣之道內穀爲寶穀入

于胃乃傳之脉流溢於中布散於外精專者行於經隧常  
榮無已終而復始是謂天地之紀故氣從太陰出注手陽  
明上行注足陽明下行注足跗上注大指間與太陰合上  
行抵髀從脾注心中循手少陰出腋下脰注小指合手太  
陽上行乘腋出顙內注目內眦上顙下項合足太陽循脊  
下尻下行注小指之端循足心注足少陰上行注腎從腎  
注心外散於胃中循心主脉出腋下臂出兩筋之間入掌  
中出中指之端還注小指次指之端合手少陽上行注膻  
中散於三焦從三焦注臍出臍注足少陽下行至跗上復  
從跗至大指間合足厥陰上行至肝從肝上注肺上循喉

龍入頤頰之竅窕於畜門其支別者上額循顛下項中循脊入骶骨是督脉也絡陰器上過毛中入臍中上循腹裏入缺盆下注肺中復出太陽此榮氣之所行也逆順之常也

榮氣篇

○頤苦琅切頰酥切額也東垣云十二經一脉也畧為十二分而已

手太陰

肺手太陰之脉起於中焦下絡大腸還循胃口上膈屬肺

從肺系橫出腋腋下循臑內前下臂上行少陰心主之前

臑內廉凡有三脉太陰居前少陰居後厥陰居中下肘中按臑上曰肘循臂內上骨

下廉臑下掌上也曰臂臂有二骨今太陰并循臂上骨之下廉也入寸口掌後陷中動

寸口中動脉上魚循魚際魚際穴也出大指之端少商其

經渠穴也支者從腕後直出次指內廉出其端

陽明

大腸手陽明之脉起於大指次指之端商陽循指上廉指

廉本節前陷中二間穴也出合谷兩骨間合谷上入兩筋之

本節後陷中三間穴也中陽溪循臂上廉入肘外廉曲池上臑外前廉上肩出髀

中穴也循臂上廉入肘外廉曲池上臑外前廉上肩出髀

骨之前廉上出於柱骨之會上下入缺盆絡脈下膈屬大腸其支者從缺盆上頸貫頰入下齒中還出挾口交人中左之右右之左上挾鼻孔

足陽明

胃足陽明之脈起於鼻之交頰中旁約太陽之脈下循鼻

外入上齒中還出挾口環唇下交承漿却循頤後下廉出

大迎循頰車上耳前過客主人循髮際至額顙其支者從

大迎前下人迎循喉嚨入缺盆下膈屬胃絡脾其直者從

缺盆下乳內廉下挾臍入氣街中其支者起於胃口下循

腹裏下至氣街中而合以下髀關抵伏兔下膝膕中

膝下循脛外廉謂脛骨之外廉也其外廉下膝三寸三

寸巨虛下廉也直下下足跗衝陽穴也足面曰跗跗上陷

指之問皆動脈其大指之端足少陽脈也上入指本節

始篇云陽明在上厥陰在中少陽在入中指內間中指內

後陷中脘谷穴也本節前陷中內其支者下廉三寸而別

下入中指外間其支者別跗上入大指間出其端

足太陰脾足太陰之脉起於大指之端隱白穴也在大指端內側循指內側白

肉際大指內側本節後大指內側過核骨後核骨下太白穴也核骨在足大指本節後約二寸內

蹠骨前約三寸如掌核橫于足內側赤白肉上內踝前廉

際者是也實太師指為孤拐骨者非是也

中商立穴也上端內循脛骨後交出厥陰之前上膝股內

前廉陰陵泉穴也入腹屬脾絡胃上膈挾咽連舌本散

手少陰心手少陰之脉起于心中出屬心系下膈絡小腸其支者

從心系上挾咽繫目系其直者復從心系却上脉下出腋

下肺脉從肺系出腋下心肺從肺而下抵腰下下循臑內後廉行

太陰心主之後下肘內少海穴也循臂內後廉臂內後廉上腕

也抵掌後脫骨之端神門穴也入掌內後廉掌內後廉小指本

循小指之內出其端

少冲穴也作小指內應之端

手太陽

小腸手太陽之脉起於小指之端

少澤穴也循手外側小指本

穴也本節後指中後溪穴也

上腕中腕骨穴也當腕中陷處陽谷穴也

出踝中直上循臂骨下廉出肘內側兩筋之間

少海穴也

循臑外後廉出肩解繞肩胛交肩上入缺盆絡心循咽下膈

抵胃屬小腸其支者從缺盆循頸上頰至目銳眦却入耳

中其支者別頰上頰抵鼻至目內眦斜絡於顙

足太陽

膀胱足太陽之脉起於目內眦上額交顙其支者從顙至

耳上角其直者從顙入絡腦還出別下項循肩髃內挾脊

抵腰中入循脊絡腎屬膀胱其支者從腰中下挾脊貫髀

入膕中

膕中膝下端上按處約文中中央

其支者從髀內左右別

下貫腓挾脊內過髀樞

髀樞髀中穴也

循髀外從後廉下合膕中

以下貫踵內

足趾

出外踝之後

崑崙穴也

循京骨

京骨足小指

外側小指外側本節後腕中束骨穴也本節前通谷穴也小指端至陰穴也

足少陰腎足少陰之脉起於小指之下斜走足心湧泉穴也出於然骨

之下然骨穴也在內踝前起大骨下陷中循內踝之後內踝之後跟骨之上

上太陵二寸復溜穴也別入跟中以上踰內出腠內廉陰谷穴也上股內

後廉貫脊屬腎絡膀胱其直者從腎上貫肝膈入肺中循

喉嚨俠舌本其支者從肺出絡心注胃中

手厥陰心主手厥陰心包絡之脉起於胃中出屬心包絡下膈歷

絡三焦其支者循胃出脇下腋三寸上抵腋兩節之上下循臑內行

太陰少陰之間入肘中曲澤穴也下臂行兩筋之間兩筋之間

使穴也當腕中太陵穴也入掌中勞宮穴也循中指出其端中衝穴也其支

者別掌中循小指次指出其端

手少陽三焦手少陽之脉起於小指次指之端關冲穴也上出兩指之

間兩指之間腕中腋門穴也上兩循手表腕陽池穴也出臂

兩骨之間

兩骨之間上腭三寸支溝穴也

上貫肘

天井穴也

循膈外上肩而交

出足少陽之後入缺盆布膈中散絡心包下膈循膈三焦

其支者從膻中上出缺盆上項繫耳後直上出耳上角以

屈下頰至頤

頤頰也

其支者從耳後入耳中出走耳前過客

主人前交頰至目銳眦

足少陽

膈足少陽之脉起於目銳眦上抵頭角下耳後循頸行手

少陽之前至肩上却交手少陽之後入缺盆其支者從

耳後入耳中出走耳前至目銳眦後其支者別銳眦下大

迎合手少陽抵於頤下加頰車下頸合缺盆以下胸中貫

膈絡肝屬膽循脇裏出氣街繞毛際橫入髀厭中其直者

從缺盆下腋循胃過季脇下合髀厭中

齊氏云腋下髀厭中上節處是也

以

下循髀陽出膝外廉下外輔骨之前

外輔骨之前膝之下

足下

直下抵絕骨之端

陽輔穴也

下出外踝之前

丘墟穴也



上入小指次指之間小指次指之間本節後腦中俠溪穴也本節後腦中俠溪穴也  
陰穴也其支者別跗上入大指之間循大指岐骨內出其端還貫爪甲出三毛

足厥陰

肝足厥陰之脉起於大指叢毛之際大敦穴也上循足跗上廉

足跗上廉大指間陷中行間穴也去內踝一寸上踝八寸

交出太陰之後中封穴也上膈內廉曲臑穴也循股陰入毛

中過陰器抵小腹挾胃屬肝絡膽上貫膈布脇肋循喉嚨

之後上入頤頰連目系上出額與督脉會於巔其支者從

目系下頰乘環唇內其支者復從肝別貫膈上注肺經脉

右榮氣之行自手太陰始足至厥陰終一周於身也詳

其一周於身外至身體四肢內至五臟六腑無不周遍

故其五十周無晝夜陰陽之殊衛氣之行則不然晝但

周陽於身體四肢之外不入五臟六腑之內夜但周陰

於五臟六腑之內不出身體四肢之外故必五十周至  
平旦方與榮大會於肺手太陰也

黃帝曰脉行之逆順奈何岐伯曰手之三陰從臟走手

陰從中焦注大指次指手少陰從心中注手小指手太

厥陰從胃中注手小指次指此手三陰從臟走手也手  
之三陽從手走頭足之三陽從頭走足足之三陰從

足走腹

脉度黃帝曰願聞脉度岐伯曰手之六陽從手至頭長五尺五

六三丈手之六陰從手至臂中二尺五寸三六一丈八尺

五六三尺合二丈一尺足之六陽從足上至頭八尺六八

四丈八尺足之六陰從足至臂中六尺五寸六六三丈六

尺五六三尺合三丈九尺躡脉從足至目七尺五寸

一丈四尺二五一尺合一丈五尺督脉任脉各四尺五寸

二四八尺二五一尺合九尺凡都合一十六丈二尺此氣

之大經隧也脉度篇

督脉

素督脉者起於小腹以下骨中央女子入繫庭孔其孔溺孔之端也其絡循陰器合篡間繞纂後別統纂至少陰與巨陽中絡者合少陰上股內後廉貫脊属腎與太陽起於日內眥上額交巔上入絡腦還出別下項循肩膊內挾脊抵腰中入循脊絡腎自少陰股內至目下五字上下其男必有脫簡否則古無此文也子循莖下至纂與女子等其少腹直上者貫臍中央上貫心入喉上頤環唇上繫兩目之下中央骨空論

右督脉始終行身之後東垣云督脉者出於會陰穴

即經文所謂纂根於長強穴上行脊裏至於巔附足太陽膀胱

之脉膀胱者諸陽之首兼榮衛之氣係焉督脉爲附督

者都能爲表裏上中下十二經之病焉王註云自其

少腹直上至兩目之下中央指任脉之行而言是督脉

所係由此言之則任脉督脉衝脉名異而同一體也謂之任脉者女子得之任養也謂之衝脉者以其上氣衝也謂之督脉者以其督領諸脉也

任脉

任脉者起於中極之下以上毛際循腹裏上關元至咽喉

上頤循面入目

骨空論

右任脉始終行身之前東垣云任脉起於會陰根於曲骨入前陰中出腹裏過臍上行附足厥陰之經爲生化之元也貫穿諸經無所不係焉

衝脉

衝脉者起於氣街並少陰之經挾臍上行至胃中而散

論

靈衝脉任脉皆起於胞中上循背裏爲經絡之源其浮而

外者循腹右上行會於咽喉別而絡唇口

五音五味篇

右衝脉始終亦行身之前俠任脉兩傍東垣云衝脉分

爲二道起於會陰根於氣街爲二道入腹中央俠臍兩  
傍上行附足陽明之脉至胷中而散一說上至腦耳上  
角下至足內踝絡跗上若搐如引繩之狀上下動之若  
一貫諸經之脉無所不到以其從胃脉故也十二經之  
海也旺爲生化升降之主

蹻脉 黃帝曰蹻脉安起安止何氣何榮岐伯荅曰蹻脉者少陰  
之別起於然骨之後上內踝之上直上循陰股入陰上循  
胷裏入缺盆上出人迎之前入頰屬目內眥合於太陽陽  
蹻而上行氣并相還則爲濡目氣不榮則目不合黃帝曰  
氣獨行五臟不榮六腑何也岐伯荅曰氣之不得無行也  
如水之流如日月之行不休故陰脉榮其臟陽脉榮其腑  
如環之無端莫知其紀終而復始其流溢之氣內溉臟腑  
外濡腠理黃帝曰蹻脉有陰陽何脉當其數岐伯荅曰男

奇經  
八脉

子數其陽女子數其陰當數者為經其不當數者為絡也

脉度論○煩音徒  
面頰也諸渠畧切

右躄脉始終獨言陰躄而不及陽躄者有脫簡也當數  
謂當脉度一十六丈二尺之數也男子以陽躄當其數  
女子以陰躄當其數

難經脉有奇經八脉者不拘有十二經何也然有陽維有  
陰維有陽躄有陰躄有衝有督有任有帶之脉凡此八脉  
者皆不拘於經故曰奇經八脉也經有十二絡有十五凡  
二十七氣相隨上下何獨不拘於經也然聖人圖說溝渠  
通利水道以備不然天雨降下溝渠溢滿當此之時雲霧  
妄行聖人不能復圖也此絡脉滿溢諸經不能復拘也  
難其奇經八脉者既不拘於十二經皆何起何繼也然  
督脉者起於下極之俞並於脊裏上至風府入屬於腦任

脉者起於中極之下以上至毛際循腹裏上關元至咽喉  
衝脉者起於氣街並足陽明之經挾臍上行至胃中而散  
也帶脉者起於季脇迴身一周陽蹻脉者起於跟中循外  
踝上行入風池陰蹻脉者亦起於跟中循內踝上行至咽  
喉交貫衝脉陽維陰維者維絡於身溢蓄不能環流灌溉  
諸經者也故陽維起於諸陽會也陰維起於諸陰交也比  
於聖人圖設溝渠溝渠滿溢流於深湖故聖人不能拘通  
也而人脉隆盛入於八脉而不環周故十二經亦不能拘  
之其受邪氣蓄則腫熱砭射之也

二十八難並步浪切

右督任蹻脉岐伯謂在十二經榮氣周流度數一十六  
丈二尺之內扁鵲謂奇經八脉不拘於十二經二說矛  
盾以待賢者又衝脉虞庶註云素問曰衝脉並足少陰  
之經難經却言並足陽明之經况少陰之經挾臍各五

禁獨手  
大陰足  
少陰陽  
明動不  
休

分陽明之經挾臍左右各二寸氣衝又是陽明脈氣所  
發如此推之則衝脈自氣街起在陽明少陰二經之內  
挾臍上行其理明矣

靈黃帝曰經脈十二而平太陰足少陰陽明獨動不休何  
也岐伯曰足陽明胃脈也胃者五臟六腑之海其清氣上  
注於肺肺氣從太陰而行之其行也以息往來故人一呼  
脈再動一吸脈亦再動呼吸不已故動而不止黃帝曰氣  
之過於寸口也上十焉息下八焉伏何道從還不知其極  
岐伯曰氣之離臟也卒然如弓弩之發如水之下岸上於  
魚以反衰其餘氣衰散以逆上故其行微黃帝曰足之陽  
明何因而動岐伯曰胃氣上注於肺其悍氣上衝頭者循  
咽上走空竅循眼系入絡腦出頤下客主人循牙車合陽  
明并下人迎此胃氣別走於陽明者也故陰陽上下其動



也若一故陽病而陽脉小者爲逆陰病而陰脉大者爲逆故陰陽俱靜俱動若引繩相傾者病黃帝曰足少陰何因而動岐伯曰衝脉者十二經之海也與少陰之大絡起於腎下出於氣街循陰股內廉邪入腠中循脛骨內廉並少陰之經下入內踝之後入足下其別者邪入踝出屬跗上入大指之間注諸絡以溫足脛此脉之常動者也○動踰篇或切疑顛字之誤

陽脉人迎脉也陰脉寸口脉也

經脉十二者伏行分肉之間深而不見其常見者足太陰過於外踝之上無所隱故也諸脉之浮而常見者皆絡脉也六經絡手陽明少陽之大絡起於五指間上合肘中飲酒者衛氣先行皮膚先充絡脉絡脉先盛故衛氣已平榮氣乃滿而經脉大盛脉之卒然動者皆邪氣居之留於本

末不動則熱不堅則陷且空不與衆同是以知其何脉之  
動也雷公曰何以知經脉之與絡脉異也黃帝曰經脉者  
常不可見也其虛實也以氣口知之脉之見者皆絡脉也  
雷公曰細子無以明其然也黃帝曰諸絡脉皆不能經大  
節之間必行絕道而出入復合於皮中其會皆見於外故  
諸刺絡脉者必刺其結上甚血者雖無結急取之以瀉其  
邪而出其血留之發爲痺也凡診絡脉脉色青則寒且痛  
赤則有熱胃中寒手魚際之絡多青矣胃中有熱魚際絡  
赤其暴黑者留久痺也其有赤有黑有青者寒熱氣也其  
青短者少氣也凡刺寒熱者皆多血絡必間日而一取之  
血盡乃止乃調其虛實其小而短者少氣甚者瀉之則悶  
悶甚則仆不得言悶急坐之也

經脉

素黃帝曰夫絡脉之見也其五色各異青黃赤白黑不同

其故何也岐伯曰經有常色而絡無常變也帝曰經之常也何如岐伯曰心赤肺白肝青脾黃腎黑皆亦應其經脉之色也黃帝曰絡之陰陽亦應其經乎岐伯曰陰絡之色應其經陽絡之色變無常隨四時而行也寒多則凝沍凝沍則青黑熱多則淖澤淖澤則黃赤皆常色也謂之無病五色具見者謂之寒熱帝曰善

總絡論篇

靈經脉為裏支而橫者為絡絡之別者為孫盛而血者疾

誅之盛者瀉之虛者飲藥以補之

脉度篇

素目受血而能視足受血而能步掌受血而能握指受血而能攝

五臟生或篇

許昌滑壽著十四經發揮釋經脉為曲絡脉為直經為榮氣絡為衛氣乃所以惑亂來學也謹按經云經脉十二伏行分肉之間深而不見諸脉浮而常見者皆絡脉

也又云諸絡脉不能經大節之間必行絕道而出入復合於皮又云當數者爲經不當數者爲絡今發揮謂手太陰脉其支從腕後出次指端交於手陽明者爲手大陰絡手陽明脉其支從缺盆上挾口鼻交於足陽明者爲手陽明絡凡十二經之支脉伏行分肉者皆釋爲絡脉則是絡脉亦伏行分肉之間而不浮見亦能經大節而不行絕道亦當經脉一十六丈二尺內之數而非不當數也又按經云足少陽之脉起於目銳眥上抵頭角下耳後未嘗言其脉有曲折也今發揮謂足少陽脉起目銳眥作三折從目銳眥至完骨是一折又自完骨至睛明是一折自睛明至風池是一折則是內經以經脉之曲折朦朧者爲直行也又按經云水穀入於胃也其氣分爲三隧故宗氣積胃中出喉嚨而行呼吸焉榮氣

陰陽  
表裏

者沁其津液注之於脉化以爲血以榮四末內注五臟  
六腑以應刻數焉衛氣者出其悍氣之慄疾而皆行於  
四末分肉皮膚之間而不休者也又云衛出於上焦常  
與榮俱晝行於陽二十五周夜行於陰二十五周故至  
平旦五十周復與榮氣大會於手太陰矣此言衛氣與  
榮氣相會未嘗及宗氣今發揮謂氣行一萬三千五百  
息脉行八百十丈適當寅時復會於手太陰則是將積  
於胃中呼吸與榮周相會之宗氣率合作晝行陽夜行  
陰與榮五十周方會之衛氣也乖舛經義罪孰甚焉  
陽者天氣也主外陰者地氣也主內故陽道實陰道虛  
陰在內陽之守也陽在外陰之使也應象論  
陰者藏精而起亟也陽者衛外而爲固也通天論  
靈內有陰陽外亦有陰陽在內者五臟爲陰六腑爲陽在

外者筋骨為陰皮膚為陽壽天剛

**素**足太陽與少陰為表裏少陽與厥陰為表裏陽明與太

陰為表裏是為足之陰陽也手太陽與少陰為表裏少陽

與心主為表裏陽明與太陰為表裏是為手之陰陽也氣

形志篇

表骨脉度

**素**黃帝問於伯高曰脉度言經脉之長短何以立之伯高

曰先度其節骨之大小廣狹長短而脉度定矣黃帝曰願

聞衆人之度人長七尺五寸者其骨節之大小長短各幾

何伯高曰頭之大骨圍二尺六寸胸圍四尺五寸腰圍四

尺二寸髮所覆者顙至項一尺二寸髮以下至顙長一尺

君子終折結喉以下至缺盆中長四寸缺盆以下至髆骨

長九寸過則肺大不滿則肺小髆骨以下至天樞長八寸

過則胃大不及則胃小天樞以下至橫骨長六寸半過則

廻腸廣長不滿則狹短橫骨長六寸半橫骨上廉以下至  
內輔之上廉長一尺八寸內輔之上廉以下至下廉長三  
寸半內輔下廉下至內踝長一尺三寸內踝以下至地長  
三寸膝膕以下至跗屬長一尺六寸跗屬以下至地長三  
寸故骨圍大則太過小則不及角以下至柱骨長一尺行  
腋中不見者長四寸腋以下至季脇長一尺二寸季脇以  
下至髀樞長六寸髀樞以下至膝中長一尺九寸膝以下  
至外踝長一尺六寸外踝以下至京骨長三寸京骨以下  
至地長一寸耳後當完骨者廣九寸耳前當耳門者廣一  
尺三寸兩額之間相去七寸兩乳之間廣九寸半兩髀之  
間廣六寸半足長一尺二寸廣四寸半肩至肘長一尺七  
寸肘至腕長一尺二寸半腕至中指本節長四寸本節至  
其末長四寸半項髮以下至背骨長二寸半脊骨以下至

裏藏  
府度

尾骶二十一節長三尺上節長一寸四分分之一奇分在下故上七節至於脊骨九寸八分分之七此衆人骨之度也所以立經脉之長短也

骨度篇〇髑髏切髑髏云髑髏切

唇至齒長九分口廣二寸半齒以後至會厭深三寸半大容五合舌重十兩長七寸廣二寸半咽門重十兩廣二寸半至胃長一尺六寸胃紆曲屈伸之長二尺六寸大一尺五寸徑五寸大容二斗五升小腸後附脊左環迴周疊積其注於迴腸者外附於臍上迴運環十六曲大一寸半徑八分分之少半長三丈三尺迴腸當臍左環迴周葉積而下迴運環反十六曲大四寸徑一寸寸之少半長二丈一尺廣腸傳脊以受迴腸左環葉脊上下辟大八寸徑二寸寸之太半長二尺八寸腸胃所入至所出長六丈四寸四分迴曲環反三十二曲也

腸胃論



難七衝門何在然唇爲飛門齒爲戶門會厭爲吸門胃爲賁門太倉下口爲幽門大腸小腸會爲闌門下極爲魄門故曰七衝門也四十

上下

素腰以上爲天腰以下爲地

三焦

難上焦者在心下下膈在胃上口主內而不出其治在膻

中玉堂下一寸六分直兩乳間陷者是中焦者在胃中

脘不上不下主腐熟水穀其治在臍傍下焦者在臍下

當膀胱上口主分別清濁王出而不內以傳導也其治在

臍下一寸三十

一難

靈黃帝曰願聞榮衛之所行皆何道從來岐伯荅曰榮出於中焦衛出於上焦黃帝曰願聞三焦之所出岐伯荅曰上焦出於胃上口並咽以上貫膈而布胷中走腋循太陰之分而行還至陽明上至舌下足陽明常與榮俱行於

二十五度行於陰亦二十五度一周也故五十度而復大會於手太陰矣黃帝曰願聞中焦之所出岐伯荅曰中焦亦並胃中出上焦之後此所受氣者泌糟粕蒸津液化其精微上注於肺脉乃化而爲血以奉生身莫貴於此故獨得行於經隧命曰榮氣黃帝曰夫血之與氣異名同類何謂也岐伯荅曰榮衛者精氣也血者神氣也故血之與氣異名同類焉故奪血者無汗奪汗者無血故人生有兩死而無兩生黃帝曰願聞下焦之所出岐伯荅曰下焦者別迴腸注於膀胱而滲入焉故水穀者常并居於胃中成糟粕而俱下於大腸而成下焦滲而俱下濟泌別汁循下焦而滲入膀胱焉黃帝曰善余聞上焦如霧中焦如瀦下焦如瀦此之謂也

榮衛生會篇

海藏頭至心爲上焦心至臍爲中焦臍至足爲下焦此三

焦者足太陽之別也。又靈樞經云：「膈下膀胱至足爲三焦。」右手尺脉爲命門，與包絡脉同診。此包絡亦有三焦之稱，爲命門之火游行於五臟之間，主持乎內，手三焦主持乎上，足三焦主持乎下。上中下三焦通爲一氣，衛於一身，爲外護。旣云「頭至心，心至臍，臍至足」，是有狀也，呼爲三焦，是有名也。以爲無狀可平，經曰：「三焦者，水穀之道路也，却是有形狀，何以然？」上焦者，主內而不出；中焦者，主腐熟水穀；下焦者，主出而不內。故經曰：「上焦如霧，中焦如漚，下焦如瀆也。」手經者，主持上也；足經者，主持下也。命門者，主持內也；爲衛者，主持外也。三焦真氣爲父氣，散於包絡，相從毋也，並行而不相離。母之真氣也，故俱會於胃中。經云：「膻中之分，父母居之，氣之海也。」如天地之尊，不係五行也。清邪中於上焦，名曰潔也；頭項強腰脊痛，濁邪中於下焦，名

曰渾也陰氣爲慄便溺妄出表虛裏急上焦下焦與中焦相混上焦怫鬱臟氣相薰中焦不治衛氣上衝榮氣不通血凝不流若衛氣前通者小便赤黃與熱相搏因熱作使遊於經絡出入臟腑陰氣前通陽氣後微陰無所使客氣內入噓而出之聲嗝咽塞寒厥熱壅必下血陰陽俱厥脾氣液下焦不固清便下重便數而難腹築湫痛命將難全此少陰之脉診在右手尺也經曰五臟不和五液不下遺精不固便溺俱脫生氣絕矣所以腹臍湫痛也故曰命將危矣前三焦自外而入後三焦自內而出霧不收則爲喘滿此出而不內也漚不利則爲留飲留而不散久爲中瀆上不能內下不能出也瀆不利則爲腫滿此因上內而下不出也此三焦之所不歸也三焦有臟而無腑在內則游行是血也在外則固護是氣也上焦如霧者氣也中焦

如漚者血也中焦者血氣之分也下焦在臍膀胱上口主分別清濁出而不納卽傳道也治在臍下名曰三焦其腑在氣街中又云有臟無腑成氏云血室者血之所居也榮衛停止之所經脉流會之處衝脉是矣夫衝者奇經之一也起於腎下出於氣街並足陽明經挾臍上行至胃中而散焉爲諸經之海也

啓玄子云衝爲血海諸經朝會男子則運而行之女子則停而止之是皆謂之血室內經云任脉通衝脉男既運行女既停止故運行者無積而不滿動也停止者有積而能滿靜也不滿者陽也氣也能滿者陰也血也故滿者以時而溢爲之信有期者動也乾道成男坤道成女故運行者陽之象也停止者陰之象也血氣榮衛男女皆有內外諧和其脉同診脉者血之府也故爲氣血之室爲藏物之舍

亦爲府也三焦之府在氣街中爲男女血海之府經又曰有臟而無腑從無形而言之也有臟而有腑從有形而言之也清邪濁邪所傷三焦齊病亦同兩感經云心包絡主之脉出臂中下腋歷絡三焦此其所以與相火並行與命門脉同診於右尺中也東垣云三焦有名無形主持諸氣以象三才之用故呼吸升降水穀往來皆待此以通達是以上焦在心下主內而不出中焦在胃脘主腐熟水穀下焦在臍下主分別清濁出而不內統而論之三才之用本於中焦中焦者胃脘也稟天五之冲氣陰陽清濁自此而分十二經絡自此而始或不得其平則寒熱偏勝虛實不同榮衛溢滯清濁不分而生諸病故曰氣會三焦手少陽脉通於臆中臆中者臣使之官爲氣之海審此則知三焦者冲和之本也三焦相火及包絡之脉人之元氣也周身

陰陽學  
病之物

何處無之是名相火用事主持陰陽之氣神明之府也

蓋夫自古通天者生之本此九字着意玩味王太僕本於云論天謂元氣即天真也

陰陽天地之間六合之內其氣九州九竅五臟十二節皆

通乎天氣其生五其氣三數犯此者則邪氣傷人此蓋天

之本也蒼天之氣清淨則志意治順之則陽氣固雖有賊

邪弗能害也此因時之序故聖人傳精神服天氣而通神

明失之則內閉九竅外壅肌肉衛氣散解此謂自傷氣之

削也陽氣者若天與日失其所則折壽而不彰故天運當

以日光明是故陽因而上衛外者也陽土疏凡人之知覺皆陽氣薰感其身澤毛若霧露之溉而充之耳若陽氣一

失其所則散解不行而蒸光澤散之道遠所以九竅閉塞

干內肌肉壅滯于外而知覺運動視聽言嗅之靈皆失也

故人之靈明燦爛不彰者命易折猶因於寒欲如運樞起居

如驚神氣乃浮升漢云欲如運樞以下三句皆衍文也下文體若欲汗出而散而句當移在此去

寒邪初傷客於肌表邪鬱而為熱有似燔  
度得汗則解此仲景麻黃湯之類是也 因於暑汗煩則

喘喝靜則多言體若燔炭汗出而散汗溪云君火之氣也

煩喘多 因於濕首如裹濕熱不攘大筋緩短小筋弛長

短為拘弛長為痿汗溪云濕者濁土之氣首為諸陽之會

焉濁氣薰蒸清道不通沉重而不爽其體虛故聰明得而餘

之失而不治濕鬱為熱熱而不去大筋緩短者熱傷血不

能養筋故為拘攣小筋弛張者濕傷筋不能束骨故為痿

弱因而濕首如裹各三字為句濕熱不攘以下各四字為

句文整而意明王太僕謂反濕其首若濕物裹之以因於

濕首為句如裹為句則濕首之濕如裹濕之濕皆是入為

文義并 因於氣為腫四維相代陽氣乃竭陽氣者煩勞則

乖也 張精絕辟積於夏使人煎厥目盲不可以視耳閉不可以

聽潰潰乎若壞都汨汨乎不可止辟偏也蓋陽者視聽動

清靜則視聽動作所振之精竭絕偏振至夏月而劇故曰  
言耳閉而視所失潰潰汨汨而動作廢正仲景所謂春夏  
劇秋冬瘡之病俗人名曰注夏者是也或曰鄭康成云口  
鼻之呼吸為氣耳目之聰明為氣夫鬼者陰血也可目之  
聰明乃陰血所為今經言陽氣煩勞則目盲耳閉者何也  
曰以耳目與口鼻對言則口鼻為陽耳目為陰以耳目口



耳與臟腑對言則耳目口鼻為陽臟腑為陰故陽氣行陽  
二十五度於身之外則耳目口鼻皆受陽氣所以能知  
覺視聽動作而寢行陰二十五度於臟腑之內則耳目口  
鼻無陽氣運動所以不能知覺而寢聽明者豈非陽氣為  
之乎夫人之耳目猶月之廣也月實必受日光所加始能  
明耳目亦必受陽氣所加始能聽明是故耳目之陽氣虛  
則陽氣之加無以受之而視聽之聰明失耳目之陽氣虛  
則陰血不能自施而聰明亦失是故耳目之聰明必陰血  
能視聽也陽氣者大怒則形氣絕而血苑於上使人薄  
厥有傷於筋縱其若不容汗出偏沮使人偏枯汗出見濕  
乃生痲痺膏梁之變足生大疔受如持虛勞汗當風寒薄  
為鼓鬱乃痲王註云苑積也鼓曰粉刺陽氣者精則養神  
柔則養筋開闔不得寒氣從之乃生大倮榮氣不從逆於  
肉理乃生癰腫陷脉為痠雷連肉腠腧氣化薄傳為善畏  
及為驚駭榮氣不從逆于肉理乃生癰腫十二字舊本元  
之為倮然後榮氣逆而為痲腫癰腫失治然後陷脉為痲  
痲而陷雷連於肉痲者口搜力主切背俯不能仰也  
汗未盡形弱而氣燥穴俞以閉發為風瘡故風者百病之

七情  
傷氣

始也清淨則肉腠閉拒雖有大風苛毒弗之能害此因時  
之序也故病久則傳化上下不并良醫弗為故陽蓄積病  
死而陽氣當隔隔者當瀉不亟正治釐乃敗之生氣通  
帝曰余知百病生於氣也怒則氣上喜則氣緩悲則氣消  
恐則氣下寒則氣收是則氣泄驚則氣亂勞則氣耗思則  
氣結九氣不同何病之生岐伯曰怒則氣逆甚則嘔血及  
殞泄故氣上矣喜則氣和志達榮衛通利故氣緩矣悲則  
心系急肺布葉舉而上焦閉則氣還還則下焦脹故氣  
消矣恐則精却却則上焦閉則氣還還則下焦脹故氣  
不行矣寒則腠理閉氣不行故氣收矣是則腠理開榮衛  
通汗大泄故氣泄矣驚則心無所倚神無所歸慮無所定  
故氣亂矣勞則喘息汗出外內皆越故氣耗矣思則心有  
所存神有所歸正氣留而不行故氣結矣舉痛

飲食  
傷陰

年四十而陰氣自半也起居衰矣

陰陽虛象論

陰氣者靜則神藏躁則消亡飲食自倍腸胃乃傷

論

陰之所生本在五味陰之五宮傷在五味

生氣通天論

勞倦  
傷脾

恒勞倦所傷論

調經篇云陰氣生內熱岐伯曰有所勞

倦形氣衰少穀氣不盛上焦不行下脘不通而胃氣熱熱氣薰胃中故內熱舉痛論云勞則氣耗勞則喘息汗出外內皆越故氣耗矣夫喜怒不節起居不時有所勞倦皆損其氣衰則火旺火旺則乘脾土脾主四肢故困熱無氣以動懶於語言動作喘乏表熱自汗心煩不安當病之時宜安心靜坐以養其氣以甘寒瀉其熱火以酸味收其散氣以甘溫調其中氣經言勞者溫之損者溫之是也仲景云平人脉大為勞脉極虛亦為勞夫勞之為病其脉浮大手足煩熱春夏劇秋冬瘕脉大者熱邪也極虛者氣損也

夏劇邪助時也秋冬瘥時勝邪也以黃芪建中湯補之此亦溫之也夫上古聖人飲食有節起居有常不妄作勞故能形與神俱而盡終其天年度百歲乃去謂治未病山中古以下去聖久遠飲食失節起居失宜妄作勞役形神俱傷故病而後以藥之是治已病也推其百病之源皆因飲食勞倦胃氣元氣散解不能滋榮百脉澆灌臟腑衛護周身之所致也故蒼天之氣貴清淨陽氣惡煩勞則飲食喜怒之間寒暑起居之際可不慎歟

右東垣勞倦所傷論餘論見治虛實法補中益氣湯方條

素夫邪之生也或生於陰或生於陽其生於陽者得之風雨寒暑其生於陰者得之飲食居處陰陽喜怒論經此陰陽以內外言之而總諸陰陽形氣之傷東垣先生

謂內外傷者是也。謂男女飲食喜怒所傷者皆屬內為陰也。諸寒溫風濕所傷皆屬外為陽也。

和生於陽病生於陰

夫百病之始生也，皆生於風雨寒暑陰陽喜怒飲食居處大驚卒恐，則血氣分離，陰陽破散，經絡厥絕，脉道不通。

喜怒傷氣，寒暑傷形，暴怒傷陰，暴喜傷陽，厥氣上行，滿

脉去形，喜怒不節，寒暑過度，生乃不固。陰陽應象論 寒傷形

喜怒傷氣，寒暑傷形，暴怒傷陰，暴喜傷陽，厥氣上行，滿

熱傷氣，氣傷痛，形傷腫，故先痛而後腫者，氣傷形也；先腫

而後痛者，形傷氣也。此上二節經旨，似自相矛盾，既曰先痛而後腫，又曰先腫而後痛，此其所以為難解者。然此二句，實為一理。蓋氣傷則形傷，形傷則氣傷，此其所以為難解者。然此二句，實為一理。蓋氣傷則形傷，形傷則氣傷，此其所以為難解者。

也。分而言之，則怒之氣從下入而先著於形，故曰暴怒傷陰；喜之氣從上入而先著於陽，故曰暴喜傷陽。寒則人

內藏氣，內藏則寒之傷人先著於形，故曰寒傷形；暑則人

氣外溢，氣外溢則暑之傷人先著於氣，故曰暑傷氣也。

先著於氣，故曰暑傷氣也。

先著於氣，故曰暑傷氣也。

先著於氣，故曰暑傷氣也。

先著於氣，故曰暑傷氣也。

五臟

陰陽  
藏腑

五臟者所以藏精神血氣寃鬼者也六腑者所以化水

穀而行津液者也

本藏  
論

素五臟者藏精氣而不瀉也故滿而不實六腑者傳化物

而不藏故實而不滿所以然者水穀入口則胃實而腸虛

食下則腸實而胃虛故曰實而不滿滿而不實也

五臟  
別論

平旦至日中天之陽陽中之陽也日中至黃昏天之陽陽

中之陰也合夜至鷄鳴天之陰陰中之陰也鷄鳴至平旦

天之陰陰中之陽也故人亦應之夫言人之陰陽則外為

陽內為陰言人身之陰陽則背為陽腹為陰言人身之臟

腑中陰陽則臟者為陰腑者為陽肝心脾肺腎五臟皆為

陰膽胃大腸小腸膀胱三焦六腑皆為陽背為陽陽中之

陽心也背為陽陽中之陰肺也腹為陰陰中之陰腎也腹

為陰陰中之陽肝也腹為陰陰中之至陰脾也此皆陰陽

表裏內外雄雌相輸應也金匱真言心者生之本神之變

也其華在面其克在血脉為陽中之太陽通於夏氣肺

者氣之本竈之處也其華在毛其克在皮為陽中之太陰

通於秋氣腎者主蟄封藏之本精之處也其華在髮其

克在骨為陰中之少陰通於冬氣肝者罷極之本竈之

居也其華在爪其克在筋以生血氣此為陽中之少陽通

於春氣罷音疲脾胃大腸小腸三焦膀胱者倉廩之本榮

之居也名曰器能化糟粕轉味而入出者也其華在唇四

白其克在肌此至陰之類通於土氣東垣云四白當作四紅

凡十一臟取決於膽也六節臟象論

五藏通四時五

行內應六府七

東方生風風生木木生酸酸生肝肝生筋筋生心肝主目  
其在天為玄在人為道在地為化化生五味道生智玄生

神神在天爲風在地爲木在體爲筋在臟爲肝在色爲蒼  
 在音爲角在聲爲呼在變動爲握在竅爲目在味爲酸在  
 志爲怒怒傷肝悲勝怒風傷筋燥勝風酸傷筋辛勝酸  
 南方生熱熱生火火生苦苦生心心生血血生脾心主舌  
 其在天爲熱在地爲火在體爲脉在臟爲心在色爲赤在  
 音爲徵在聲爲笑在變動爲憂在竅爲舌在味爲苦在心  
 爲喜喜傷心恐勝喜熱傷氣寒勝熱苦傷氣酸勝苦

中央生濕濕生土土生甘甘生脾脾生肉肉生肺脾主口  
 其在天爲濕在地爲土在體爲肉在臟爲脾在色爲黃在  
 音爲宮在聲爲歌在變動爲噦在竅爲口在味爲甘在志  
 爲思思傷脾怒勝思濕傷肉風勝濕甘傷肉酸勝甘

西方生燥燥生金金生辛辛生肺肺生皮毛皮毛生腎肺  
 主鼻在天爲燥在地爲金在體爲皮毛在臟爲肺在色爲



白在音爲商在聲爲哭在變動爲欬在竅爲鼻在味爲辛  
在志爲憂憂傷肺喜勝憂熱傷皮毛寒勝熱辛傷皮毛苦  
勝辛

北方生寒寒生水水生鹹鹹生腎腎生骨髓骨髓生肝腎  
主耳其在天爲寒在地爲水在體爲骨在臟爲腎在色爲  
黑在音爲羽在聲爲呻在變動爲慄在竅爲耳在味爲鹹  
在志爲恐恐傷腎思勝恐寒傷血燥勝寒鹹傷血甘勝酸  
天氣通於肺地氣通於嗑風氣通於肝雷氣通於心穀氣  
通於脾雨氣通於腎六經爲川腸胃爲海九竅爲水注之  
氣以天地爲之陰陽陽之汗以天地之雨名之陽之氣以  
天地之疾風名之暴風象雷逆氣象陽故治不法天之紀  
不用地之理則災害至矣陰陽應象論

靈肺合大腸大腸者傳道之府心合小腸小腸者受盛之

府肝合膽膽者中正之府脾合胃胃者五穀之府腎合膀胱膀胱者津液之府少陽屬腎腎上連肺故將兩臟三焦者中瀆之府水道出焉屬膀胱是孤之府也是六府之所與合者

本篇

五臟常內閱於上七竅也故肺氣通於鼻肺和則鼻能知香臭矣心氣通於舌心和則舌能知五味矣肝氣通於目肝和則目能辨五色矣脾氣通於口脾和則口能知五穀矣腎氣通於耳腎和則耳能聞五音矣五臟不和則七竅不通六腑不和則雷為癰

脉度

難肝主色心主臭脾主味肺主聲腎主液鼻者肺之候而反知香臭耳者腎之候而反聞聲其意何也然肺者西方金也金生於巳巳者南方火也火者心心主臭故令鼻知香臭腎者北方水也水生於申申者西方金也金者肺主

聲故令耳聞聲四十

素心之合脉也其榮色也其主腎也肺之合皮也其榮毛

也其主心也肝之合筋也其榮爪也其主肺也脾之合肉

也其榮唇也其主肝也腎之合骨也其榮髮也其主脾也

五臟生五臟所主心主脉肺主皮肝主筋脾主肉腎主

骨是謂五主宣明五五臟化液心為汗肺為涕肝為淚

脾為涎腎為唾是為五液同諸脉者皆屬於目諸髓者

皆屬於腦諸筋者皆屬於節諸血者皆屬於心諸氣者皆

屬於肺五臟生難經言八會者何也府會太倉臟會季脇筋會陽陵泉髓

會絕骨血會膈腧骨會大杼脉會太淵氣會三焦外一筋

直兩乳內也熱病在內者取其會之氣穴也四十

素心者君主之官也神明出焉肺者相傳之官治節出焉

五臟

主時不

肝者將軍之官謀慮出焉膽者中正之官決斷出焉膻中者臣使之官喜樂出焉脾胃者倉廩之官五味出焉大腸者傳道之官變化出焉小腸者受盛之官化物出焉腎者作強之官伎巧出焉三焦者決瀆之官水道出焉膀胱者州都之官津液藏焉氣化則能出矣凡此十二官者不得相失也故主明則下安以此養生則壽歿世不殆以為天下則大昌主不明則十二官危使道閉塞不通形乃大傷以此養生則殃以為天下其宗大危戒之戒之靈蘭秘典論

五臟所藏宣明五氣篇心藏神肺藏魄肝藏魂脾藏意腎藏志是謂五臟所藏氣篇五精所并精氣并於心則甚并於肺則悲并於肝則憂并於脾則畏并於腎則恐是謂五并虛而相并者也憂當作思同上

帝曰脾不主時何也岐伯曰脾者土也治中央常以四時

長四歲各十八日寄治不得獨主於時也脾臟者常著胃土之精也土者生萬物而法天地故上下至頭足不得主時也

大陰陽明論篇

五藏稟氣於胃

靈黃帝曰願聞穀氣有五味其入五臟分別奈何伯高曰

胃者五臟六腑之海也水穀皆入於胃五臟六腑皆稟氣於胃五味各走其所喜穀味酸先走肝穀味苦先走心穀味甘先走脾穀味辛先走肺穀味鹹先走腎穀氣津液已行榮衛大通乃化糟粕以次傳下

五味篇

人之所受氣者

穀也穀之所注者胃也胃者水穀氣血之海也海之所行雲氣下者天也胃之所出氣血者經隧也經隧者五臟六腑之大絡也食氣入胃散精於肝淫氣於筋

經脈別論

食氣入胃濁氣歸心淫精於脉脉氣流經經氣歸於肺肺朝百脉輸精於皮毛毛脉合精行氣於府府精神明留於四臟

火分  
君相

常也

同上

氣歸於樞衡樞衡以平氣口成寸以決死生 飲入於胃  
遊溢精氣上輸於脾脾氣散精上歸於肺通調水道下輸  
膀胱水精四布五經並行合於四時五臟陰陽揆度以爲  
丹溪相火論 太極動而生陽靜而生陰陽動而變陰靜  
而合而生水火木金土各一其性惟火有二曰君火人火  
也曰相火天火也火內陰而外陽主乎動者也故凡動皆  
屬火以名而言形質相生配於五行故謂之君以位而言  
生於虛無守位稟命因其動而可見故謂之相天主生物  
故恒於動人有所生亦恒於動其所以常於動者皆相火  
助之也見於天者出於龍雷則木之氣出於海則水之氣  
也其於人者寄於肝腎二部肝屬木而腎屬水也膽者肝  
之腑膀胱者腎之腑心包絡者腎之配三焦以焦言而下

焦司肝腎之分皆陰而下者也。天非此火不能生物。人非此火不能有生。天之火雖出於木水而皆本乎地。故雷非伏龍非蟄海非附地則不能鳴。不能飛。不能波也。鳴也飛也波也。動而爲火者也。肝腎之陰悉具相火人而同乎天也。或曰相火天人之所同。何東垣以爲元氣之賊。又曰火與元氣不兩立。一勝則一負。然則如之何而可使之無勝負乎。曰周子言神發知矣。五性感動而萬事出。有知之後五者之性爲物所感。不能不動。謂之動者。卽內經五火也。相火易起。五性厥陽之火相扇則妄動矣。火起於妄變化莫測。無時不有。煎熬真陰。陰虛則病。陰絕則死。君火之氣內經以暑與熱言之。相火之氣經以火言之。蓋表其暴悍酷烈有甚於君火者也。故曰相火元氣之賊。周子又曰聖人定之以中正仁義而主靜。朱子亦曰必使道心常爲一。

諸病多  
爲火

身之主而人心每聽命焉。此善處乎火也。人心聽命道心而又能主之以靜。彼五火將寂然不作而相火惟有裨補造化以爲生生不息之運用爾。何賊之有。或曰內經相火註言少陰少陽矣。未嘗言及厥陰太陽而吾子言之何也。曰足太陽少陰東垣嘗言之矣。治以炒栝取其味辛能瀉水中之火是也。戴人亦言膽與三焦尋火治肝和包絡俱無異。此歷指龍雷之火也。予亦備述天人之火皆生於動。如上文所云者實推廣二公之意。或曰內經言火不一。往往於六氣中見之言臟腑者未之見也。二公豈自有所據邪。予能爲我言之乎。經曰百病皆生於風寒暑濕燥火之動而爲變者岐伯歷舉病機一十九條而屬火者五。此非相火爲病之出於臟腑者乎。攷諸內經少陽病爲瘕瘕太陽病時眩仆少陰病脅瘕暴瘕鬱冒不知人。非諸熱瘕瘕



之屬火者乎手少陽病惡寒鼓慄膽病振寒少陰病灑淅惡寒振慄厥陰病灑淅振寒非諸振鼓慄如喪神守之屬火者乎少陽病嘔逆厥氣上行膀胱病衝頭痛太陽病厥氣上衝胃少腹控臍引腰脊上衝心少陰病氣上衝胃嘔逆非諸逆衝上之屬火者乎少陽病譫妄太陽病譫妄膀胱病狂顛疾非諸燥狂越之屬火者乎少陽病附腫善驚少陰病脅熱吐酸附腫不能久立非諸病附腫疼酸驚駭之屬火者乎又原病式曰諸風掉眩屬於肝火之動也諸氣憤鬱病痿屬於肺火之升也諸濕腫滿屬於脾火之勝也諸痛痒瘡瘍屬於心火之用也是皆火之爲病出於臟腑者然也注文未之發爾以陳無擇之通達且以暖熾論君火日用之火言相火而又不曾深及宜乎後人之不無聾瞽也悲夫

諸病  
子胃虛

東垣胃虛則臟腑經絡俱病論 針經本輸曰手陽明大

腸手太陽小腸皆屬足陽明胃小腸之穴在巨虛下廉大  
腸之穴在巨虛上廉此二穴皆在足陽明胃三里穴下也  
大腸主津小腸主液大腸小腸受胃之榮氣乃能行津液  
於上焦溉灌皮毛充實腠理若飲食不節胃氣不及大腸  
小腸無所稟受故津液涸竭焉內經曰耳鳴耳聾九竅不  
利腸胃之所生也此胃弱不能滋養手太陽小腸手陽明  
大腸故有此證然亦止從胃弱而得之故聖人混言腸胃  
之所生也或曰子謂混言腸胃所生亦有據乎予應之曰  
經云脾不及令人九竅不通謂脾為至陰受胃之陽氣能  
上升水穀之氣於肺充溢皮毛散入四臟今脾無所稟不  
能行氣於臟腑故有此症此則脾虛九竅不通之謂也雖  
曰脾虛亦胃之不足所致耳或曰經云五臟不利則九竅

不通此不言脾不言腸而言五臟何也予曰此說與上二說無以異也蓋謂脾不受胃之稟命致五臟所主九竅不能上通天氣皆閉塞不利故以五臟言之此三者止是胃虛所致耳然亦何止於此胃虛則五臟六腑十二經十五絡四肢皆不得榮運之氣而百病生焉豈一端盡之乎

真氣又名元氣乃先身生之精氣也非胃氣不能滋之胃氣者穀氣也榮氣也運氣也生氣也清氣也衛氣也陽氣也又天氣人氣地氣乃三焦之氣分而言之則異其實一也不當作異名異論而觀之飲食勞役所傷自汗小便數陰火乘土位清氣不生陽道不行乃陰血伏火况陽明胃土右燥左熱故化燥火而津液不能停且小便與汗皆亡津液津液至中宮變化爲血者也血者脉之腑也血亡則七神何依百脉皆從此中變來也人之百病莫大於中風

有汗則風邪客之無汗則陽氣固密腠理閉拒諸邪不能傷也或曰經云陽不勝其陰則五臟氣爭九竅不通又脾不及則令人九竅不通名曰重強又五臟不和則九竅不通又頭痛耳鳴九竅不利腸胃之所生也請析而解之谷曰夫脾者陰土也至陰之氣主靜而不動胃者陽土也主動而不息陽氣在於地下乃能生化萬物故五運在上六氣在下其脾長一尺掩太倉太倉者胃之上口也脾受胃稟乃能薰蒸腐熟五穀者也胃者十二經之源水穀之海也平則萬化安病則萬化危五臟之氣上通九竅五臟稟受氣於六腑六腑受氣於胃六腑者在天爲風寒燥濕暑火此無形之氣也胃氣和平榮氣上升始主濕熱濕熱者春夏也行陽二十五度六陽升散之極下而生陰陰降則下行爲秋冬行陰道爲寒涼也胃既受病不能滋養故六

腑之氣絕以致陽道不行陰火上行五臟之氣各受一腑之化乃能滋養皮膚血脈筋骨故言五臟之氣已絕於外是六腑生氣先絕五臟無所稟受而氣後絕矣肺本收下又主五氣氣絕則下流與脾土壅於下焦故曰堅強胃氣既病則下溜經曰濕從下受之脾爲至陰本乎地也有形之土下填九竅之源使不能上通於天故五臟不和則九竅不通胃者行清氣而上卽地之陽氣也清陽成天口清陽出上竅曰清陽實四肢曰清陽發腠理者也脾胃既爲陰火所乘穀氣閉塞而下流卽清氣不升九竅爲之不利胃之一腑病則十二經元氣皆不足也氣少則津液不行津液不行則血虧故筋骨皮肉血脉皆弱是氣血俱羸弱矣勞役動作飲食飢飽可不慎乎凡有此病者雖不變易他疾已損其天年更加之針灸用藥差悞欲不夭枉得乎

陽不密則外邪入傷五臟

素凡陰陽之要陽密乃固兩者不和若春無秋若冬無夏因而和之是謂聖度故陽強不能密陰氣乃絕陰平陽秘精神乃治陰陽離缺精氣乃絕因於露風乃生寒熱是以春傷於風邪氣留連乃為洞泄夏傷於暑秋為痃瘕秋傷於濕上逆而欬發為痿厥冬傷於寒春必溫病四時之氣更傷五臟

生氣通天論

黃帝問曰天有八風經有五風何謂岐伯對曰八風發邪以為經風觸五臟邪氣發病所謂得四時之勝者春勝長夏長夏勝冬冬勝夏夏勝秋秋勝春所謂四時之勝也東風生於春病在肝肺在頸項南風生於夏病在心肺在胃脇西風生於秋病在脾肺在肩背北風生於冬病在腎肺在腰股中央為土病在脾肺在脊故春氣者病在頭夏氣者病在臟秋氣者病在肩背冬氣者病在四肢故春善病

五勞傷  
五味傷

軌衄仲夏善病胃腸長夏善病洞泄寒中秋善病風瘧冬  
善病痺厥故冬不按蹻春不軌衄春不病頸項仲夏不病  
胃腸長夏不病洞泄寒中秋不病風瘧冬不病痺厥飧泄  
而汗出也夫精者身之本也故藏於精者春不病溫金匱  
真言

論○按蹻二字非所文其上下必有脫  
簡蓋即冬不藏精者春必虛病之義也

五勞所傷久視傷血久臥傷氣久坐傷肉久立傷骨久行  
傷筋是謂五勞所傷宣明五  
氣篇多食鹹則脉凝泣而變色

多食苦則皮槁而毛拔多食辛則筋急而爪枯多食酸則  
肉胝脹而脣揭多食其則骨痛而髮落此五味之所傷也

五臟生  
成篇

靈黃帝曰酸走筋多食之令人癰何也少俞曰酸入於胃  
其氣澁以收上之兩焦不能出入也不出即留於胃中胃  
中和溫則下注膀胱膀胱之胞薄以懦得酸則縮繆約而

不通水道不行故癃陰者精筋之所終也故酸入而走筋  
矣黃帝曰酸走血多食之令人渴何也少俞曰酸入於  
胃其氣上走中焦注於脉則血氣走之血與酸相得則凝  
凝則胃中汁注之注之則胃中竭竭則咽路焦故舌本乾  
而善渴血脉者中焦之道也故酸入而走血矣黃帝曰  
辛走氣多食之令人洞心何也少俞曰辛入於胃其氣走  
於上焦上焦者受氣而榮諸陽者也姜韭之氣薰之榮衛  
之氣不時受之久留心下故洞心辛與氣俱行故辛入而  
與汗俱出黃帝曰苦走骨多食之令人變嘔何也少俞  
曰苦入於胃五穀之氣皆不能勝苦苦入下脘三焦之道  
皆閉而不通故變嘔噦者骨之所終也故苦入而走骨故  
入而復出知其走骨也黃帝曰甘走肉多食之令人惋  
心何也少俞曰甘入於胃其氣弱小不能上至於上焦而



與穀留於胃中者令人柔潤者也胃柔則緩緩則虫動虫

動則令人愧心其氣外通於肉故甘走肉五味論

天邪字  
寒食邪  
邪字地

素天之邪氣感則害人五臟水穀之寒熱感則害人六腑

邪字地  
邪字地

地之濕氣感則害人皮肉筋脉陰陽應象論 犯賊風虛邪者

外傷入  
府內傷  
入藏

陽受之食飲不節起居不時者陰受之陽受之則入六腑

陰受之則入五臟入六腑則身熱不時臥上為喘呼入五

臟則填滿閉塞下為飧泄久為腸癰大陰腸明論

陽邪從  
頭面入  
陰邪從  
經絡入

靈黃帝問曰邪氣之中人也奈何岐伯答曰邪氣之中人

高下也黃帝曰高下有度乎岐伯曰身半已上者邪中之

陰邪入  
府於府

也身半已下者濕中之也故曰邪之中人也無常中于陰

則濡于府中于陽則濡於經黃帝曰陰之與陽也異名同

類上下相會經絡之相貫如環無端邪之中人或中於陰

或中於陽上下左右無有恒常其故何也岐伯曰諸陽之

會皆在於面中人也。方乘虛時及新用力，若飲食汗出，腠理開而中於邪，中於面則下陽明，中於項則下太陽，中於頰則下少陽，其中於膺背兩脇亦中其經。黃帝曰：「其中於陰，柰何？」岐伯曰：「中於陰者，常從臂臑始。夫臂與臑其陰皮薄，其血淖澤，故俱受於風，獨傷其陰。」黃帝曰：「此故傷其臑乎？」岐伯曰：「身之中於風也，不必動臑，故邪入於陰經，則臑氣實，邪氣入而不能容，故還之於臑。故中陽則瀰於經中，陰則瀰於臑。黃帝曰：「邪之中人，臑柰何？」岐伯曰：「愁憂恐懼，則傷心，形寒飲冷則傷肺，以其兩寒相感，中外皆傷，故氣逆而上行。有所墮墜惡血留內，有所大怒，氣上而不下，積於脇下，則傷肝，有所擊仆，若醉入房，汗出當風，則傷脾，有所用力舉重，若入房過度，汗出浴水，則傷腎。」黃帝曰：「五臟之中，風柰何？」岐伯曰：「陰陽俱感，邪乃得往。」邪氣臑臑黃

邪氣中人深處

帝曰有一脉生數十病者或痛或癰或熱或寒或痒或痺或不仁變化無窮其故何也岐伯曰此皆邪氣之所生也帝曰余聞氣者有真氣有正氣有邪氣何謂真氣岐伯曰真氣者所受於天與穀氣并而克身也正氣者正風也從一方來非實風又非虛風也邪氣者虛風之賊傷人也其中人也深不能自去正風者其中人也淺合而自去其氣來柔弱不能勝真氣故自去虛邪之中人也灑淅動形起毫毛而發腠理其入深內搏於骨則為骨痺搏於筋則為筋攣搏於脉中則為血閉不通則為癰搏於肉與衛氣相搏陽勝者則為熱陰勝者則為寒寒則真氣去去則虛虛則寒搏於皮膚之間其氣外發腠理開毫毛搖氣行來行則為痒留而不去則為痺衛氣不行則為不仁

刺節真邪篇

醫學綱目卷之二

陰陽臟腑部

諸脉診病雜法

診難經言望而知之謂之神聞而知之謂之聖問而知之者謂之工切脉而知之者謂之巧何謂也望而知之者望見其五色以知其病聞而知之者聞其五音以別其病問而知之者問其所欲五味以知其病所起所在也切脉而知之者診其寸口視其虛實以知其病在何臟腑也經言以外知之曰聖以內知之曰神此之謂也

診法當以平旦陰氣未動陽氣未散飲食未進經脉未盛絡脉調勻氣脉未亂故乃可診有過之脉切脉動靜而視精明察五色觀五臟有餘不足六腑強弱形之衰盛以此參伍決死生之分

脉要精微論

望  
難經曰診脉之道觀人勇怯肌肉皮膚能知其情以為法

也凡人形長不及短大不及小肥不及瘦人之色白不及黑嫩不及蒼薄不及厚而況肥人濕多瘦人火多白者肺氣虛黑者腎氣足形色既殊臟腑亦異外證雖同治法迥別所以肥人責脉浮瘦人責脉沉躁人責脉緩緩人責脉躁不可一槩觀之

仲景云肥人當沉今反浮瘦人當浮今反沉故責之

聞

醫善診者察色按脉先別陰陽審清濁而知部分視喘息

聽音聲而知所苦觀權衡規矩而知病所主按尺寸觀浮

沉滑澁而知病所生以治無過以診則不失

陰陽應象論

問

閉戶塞牖繫之病者數問其情以從其意得神者昌失神

者亡

移精變氣論

必審問其所始病與今之所方病而後各

切

切循其脉視其經絡浮沉以上下逆從循之

三部九候論

凡

未診病者必問嘗貴後賤雖不中邪病從內生名曰脫榮

血夜我部  
和和和

管富後貧名曰失精五氣留連病有所并醫工診之不在  
臟腑不變軀形診之而疑不知病名身體日減氣虛無精  
病深無氣灑灑然時驚病深者以其外耗於衛內奪於榮  
良工所失不知病情過論五

東垣

百病晝則增劇夜則安靜是陽病有餘乃氣病而血

不病也夜則增劇晝則安靜是陰病有餘乃血病而氣

不病也晝則發熱夜則安靜是陽氣自旺於陽分也

晝則安靜夜則發熱煩躁是陽氣下陷入陰中也名曰熱

入血室晝則發熱煩躁夜亦發熱煩躁是重陽無陰當

亟瀉其陽峻補其陰夜則惡寒晝則安靜是陰血自旺

於陰分也夜則安靜晝則惡寒是陰氣上溢於陽中也

夜則惡寒晝亦惡寒是重陰無陽當急瀉其陰峻補其

陽晝則惡寒夜則煩躁飲食不入名曰陰陽交錯者死

左主血  
右主氣

矣

肺主氣其脉居右寸脾胃命門三焦各以氣為變化運  
用故皆附焉心主血其脉居左寸肝膽腎膀胱皆精血之  
隧道筦庫故皆附焉男以氣成胎則氣為之主女挾血成  
胎則血為之主男子病右脉充於左者有胃氣也病雖重  
可治女子病左脉充於右者有胃氣也病雖重可治反此  
者虛之甚也

脉候陰

脉有陰陽知陽者知陰知陰者知陽凡陽有五五二  
十五陽所謂陰者真藏也見則為敗敗必死也所謂陽者  
胃脘之陽也別於陽者知病處也別於陰者知死生之期  
三陽在頭三陰在手所謂一也別於陽者知病忌時別於  
陰者知死生之期陰陽別論○王注曰頭謂人迎脉在手魚  
際之後一寸兩者相應俱往俱來者引別於陽者知病  
緩小大齊等者曰平人故言所謂一也

從來別於陰者知死生之期王機真藏論

靈氣口候陰人迎候陽四時氣論

脈收陰陽相反

謹熟陰陽無與衆謀所謂陰陽者去者為陰至者為陽

靜者為陰動者為陽遲者為陰數者為陽別論

諸浮不躁者皆在陽則為熱其有躁者在手但浮不躁則病在足陽脈

之中其有躁者病在手陽脈之中諸細而沉者皆在陰則為骨痛其有

靜者在足於陰脈之中靜者病生於足陰脈之中也

細脈浮脈按之不足舉之有餘沉脈舉之不足按之有

餘遲脈呼吸三至去來極遲數脈去來促急七至六

虛脈遲大而軟按之不足指下豁豁然空實脈大而

長微強按之隱指幅幅然一日舉按有力緩脈去來亦遲小駛

於遲一日浮大而軟緊脈數如切繩狀一日如轉索之無常洪脈極大

在指下細脈小甚似無而有滑脈往來前却流利展



轉替替然與數相似一日澆鹿如欲脫○仲景云翁奄沉為滑沉為純陰翁為正陽陰陽和合

故名曰滑許學士云仲景此三字論滑脉是也翁合也主張而後合也奄沉言忽降而下也方翁而合俄降而下奄

謂奄忽之間仲景滑脉細而遲往來難且散或一止復

來一日短而止脉訣云如刀刮弦脉舉之無有按之如

弓弦狀弦而不大為革革脉有似沉伏實大而長微弦

陳無擇云如按鼓軟脉極軟而浮細作濡弱脉極軟

而沉細按之欲絕指下結脉往來緩時一止復來仲景

來動而中止更來小數中有還者反動名曰結陰也脉來動而中止不能自還因而復動名曰代陰也得此脉難治

促脉來去數時一止復來、芤脉浮大而軟按之中央

空兩邊實微脉極細而軟或時欲絕若有若無動脉

見於關上無頭尾大如豆厥厥然動蟬伏脉極重指按

之着骨乃得散脉大而散散者氣實血虛有表無裏

代脉來數而中止不能自還因而復動代者死

脈狀性  
陽相類

右陰陽相反脈狀者以王氏經文之脈形狀移置如陳氏三因云脈偶也蓋浮沉相反浮主表病屬陽沉主裏病屬陰也遲數相反遲主寒并病及陽氣虛數主熱并病及血虛也虛實相反虛主血氣虛實主血氣實也洪細相反洪主血氣多細主血氣少也滑濇相反滑主血實氣虛濇主氣實血虛也緩緊相反緩主虛寒濡弱主虛熱與緩縮也強革與濡弱相反強革主虛寒濡弱主虛熱與緩緊同法推也結促相反結主陰盛促主陽盛也浮數實緊洪滑強革孔散屬陽沉遲虛緩細濇軟弱結微動伏代屬陰後賢因別陽脈為七表陰脈為八裏也

浮與孔相類

弦與緊相類

滑與數相類

革與實相類

沉與伏相類

微與濇相類

軟與弱相類

緩與遲相類

陰陽相  
久病症

氣證則飲水 血證不飲水 氣病則麻 血病則  
痛 無陽則厥 無陰則嘔 陰證身靜重語無聲氣難  
布息目睛不了了鼻中呼不出吸不入往來口與鼻中氣  
冷水漿不入大小便不禁而止惡寒有如刀刮 陽證身  
動輕語有聲目睛了了鼻中呼吸出入能往能來口與鼻  
中氣皆熱

經脈  
伏

診兩手脉浮之俱有陽沉之俱有陰陰陽皆實盛者此為  
衝督之脉也衝督之脉者十二經之道路也衝督用事則  
十二經不復朝於寸口其人皆苦恍惚狂癡不者必當猶  
豫有兩心也 兩手陽脉浮而細微綿綿不可知俱有陰  
脉亦復細微綿綿此為陰蹻陽蹻之脉也此家會有病鬼  
魅風死苦恍惚亡人為禍也 尺寸脉俱浮直上直下此  
為督脉腰背強痛不得俛仰大人癩病小兒風癩疾 尺

奇經病狀

寸脉俱牢一作直上直下此為衝脉胃中有寒疝也

奇經之為病何如然陽維維於陽陰維維於陰陰陽不能自相維則悵然失志溶溶不能自收持陰蹻為病陽蹻而陰急陽蹻為病陰緩而陽急衝之為病逆氣而裏急督之為病脊強而厥素問作脊任之為病其內苦結男子為七疝女子為瘕聚帶之為病腹滿腰溶溶若坐水中陽維為病苦寒熱陰維為病苦心痛此奇經八脉之為病也

九

陰陽新說

陽滯於陰陰滯於陽論○精要云陽滯於陰脉浮洪弦數陰滯於陽脉沉細弱瀆陽滯以寒治之陰滯以熱治之竊詳其意陽滯陰滯當作熱滯寒滯求之寒熱固可作陰陽論能於陰於陽分明是於氣血他無可言也熱滯於氣固矣獨無寒滯耶寒滯於血固矣獨無熱滯耶何寒不能

傷氣何熱不能傷血耶以愚觀之氣為陽行脉外血為陰  
行脉內相並分派周流循環一身無停止謂之脉一呼脉  
行三寸一吸脉行三寸呼吸定息脉共得六寸一身通七  
尺五寸行得八百一十丈得熱則行速為太過得寒則行  
遲為不及五味之偏七情之過氣為凝滯津液稠厚積而  
久之為飲為痰滲入脉內血為所亂因而凝濁運行泣涸  
或為沸騰此陰滯於陽也正是血滯於氣也氣病矣或以  
藥助邪病上生病血病日增溢出血外隧道隘塞升降有  
妨運化失令此陽滯於陰也正是氣滯於血也病分寒熱  
者當是稟受之素偏虛邪之雜合豈可專以陽為熱陰為  
寒耶浮洪弦數氣病之脉也豈可遽作熱論沉細弱瀦血  
病之脉也豈可遽作寒論此萬病之根本豈止疥癬瘡瘍  
癰疽而已幸相評其是否活切切

表裏

寸口脉沉而堅者曰病在中寸口脉浮而盛者曰病在

外平人氣象論下同 海藏云脉浮為表浮之實大沉之

深矣脉盛滑堅者病在外脉小實而堅者病在內

氣口主中人迎主外禁服人迎盛堅者傷於寒氣口

盛堅者傷於食五色

右氣口脉謂兩手掌後手太陰之脉也人迎脉謂挾喉

兩傍足陽明之脉也

辨內外傷

辨內外傷 傷風鼻中氣出齋合口不開肺氣通乎天

也傷食口無味津液不減鼻息氣勻脾氣通乎地也外

傷一身盡熱先太陽也自內而之外者先無形也內傷

手足不和兩脇俱熱先少陽也從內之外者先有形也

內外俱傷人迎氣口俱盛或舉按皆實大表發熱而惡寒

腹不和而口液此內外兩傷也凡診則必捫手心手背

三部所主

手心熱則內傷手背熱則外傷次以脉別之

脉有三部九候各有所主之然三部者寸關尺也九候者浮中沉也上部法天主胃以上至頭有疾中部法人主膈下至臍上有疾下部法地主臍以下至足有疾宜審之

**指人**凡初下指先以中指端按得關位掌後高骨爲關乃齊下前後二指爲三部脉前指寸口也後指尺部也若人臂長乃踈下指臂短則密下指若先診寸口浮按消息之次中按消息之次重按消息之次上竟消息之次下竟消息之次推指外消息之次推指內消息之凡診脉以氣息平定方下指以一呼一吸爲一息其一息之間脉息四至或五至不大不小與所屬部分四時相應者爲平和脉矣過則爲至不及則爲損損至之脉難經詳言之矣

仲景曰吸而微數其病在中焦實也當下之卽愈虛者不

治在上焦者其吸促在下焦者其吸遠此皆難治呼吸動搖振振者不治

**五臟不平六腑閉塞之所生也**

通評虛實論

屬肺所

**難**何以別知臟腑之病也然數者腑也遲者臟也數則為

熱遲則為寒諸陽為熱諸陰為寒故以別知臟腑之病也

**九**病有欲得溫者有欲得寒者有欲得見人者有不欲

得見人者而各不同其病在何臟腑然病欲得寒而欲得

見人者病在腑也病欲得溫而不欲得見人者病在臟也

何以言之腑者陽陽病欲得寒又欲見人臟者陰陰病欲

得溫又欲閉戶獨處惡聞人聲故以別知臟腑之病也

**難**臟腑發病根本等不然不等也奈何然臟病者止而

不移其病不離其處腑病者彷彿貴嚮上下行流居處無

常

五十二難



帝曰夫百病之生也皆生於風寒暑濕燥火之化之變也經言盛者瀉之虛者補之余錫以方士而方士用之尚未能十全余欲令要道必行桴鼓相應由拔刺雪污功巧神聖可得聞乎岐伯曰審察病機無失氣宜此之謂也帝曰願聞病機何如岐伯曰諸風掉眩皆屬於肝諸寒收引皆屬於腎諸氣膹鬱皆屬於肺諸濕腫滿皆屬於脾諸熱脅癢皆屬於火諸痛痒瘡皆屬於心諸厥固泄皆屬於下諸痿喘嘔皆屬於上諸禁鼓慄如喪神守皆屬於火諸痙項強皆屬於濕諸逆衝上皆屬於火諸脹腹大皆屬於熱諸躁狂越皆屬於火諸暴強直皆屬於風諸病有聲鼓之如鼓皆屬於熱諸病肘腫疼酸驚駭皆屬於火諸轉反戾水液混濁皆屬於熱諸病水液澄澈清冷皆屬於寒諸嘔吐酸暴注下迫皆屬於熱故大要曰謹守病機各司其屬

有者求之無者求之盛者責之虛者責之必先五勝疎其血氣令其調達而致和平此之謂也

至真要大論

右病機一十九條實察病之要旨而有者求之無者求之盛者責之虛者責之一十六字乃各篇首盛者瀉之虛者補之之旨而總結病機一十九條之義又其要旨中之要旨也河間原病式但用病機一十九條立言而遺此一十六字猶有舟無操舟之工有兵無將兵之帥不免臨病之際湯劑悞投致人夭折今負僭踰引經傳之旨證其得失其補大矣夫諸風病皆屬於肝也風木盛則肝太過而病化風如木太過發生之紀病掉眩之類俗謂之陽痿急驚等病治以涼劑是也燥金勝則肝為邪攻而病亦化風如陽明司天燥氣下臨病掉振之類俗謂之陰痿慢驚等病治以溫劑是也諸火熱病皆

屬於心也。熱甚則心太過而病化火熱。如歲火太過，病  
譫妄狂越之類。俗謂之陽躁。譫語等病，治以攻劑是也。  
寒水勝則心爲邪攻而病亦化火熱。如歲水太過，病躁  
悸煩心，譫妄之類。俗謂之陰躁。鄭聲等病，治以補劑是  
也。諸濕病皆屬於脾也。濕土甚則脾太過而病化濕。如  
濕勝則濡洩之類。仲景用五苓等劑去濕是也。風木勝  
則脾爲邪攻而病亦化濕。如歲木太過，病飧泄之類。錢  
氏用宣風等劑去風是也。諸氣膹鬱皆屬於肺也。燥金  
甚則肺太過而病化膹鬱。如歲金太過甚則喘欬之類。  
東垣謂之寒喘，治以熱劑是也。火熱勝則肺爲邪攻而  
病亦化膹鬱。如歲火太過，病咳喘之類。東垣謂之熱喘，  
治以寒劑是也。諸寒病皆屬於腎也。寒水甚則腎太過  
而病化寒。如太陽所至爲屈伸不利之類。仲景用烏頭

湯等劑是也濕土氣勝腎為邪攻而病亦化寒如濕氣  
變物病筋脉不利之類東垣用復煎散健步丸等劑是  
也其在太過而化之病為盛盛者真氣也其在受攻而  
化之病為虛虛者假氣也故有其病化者恐其氣之假  
故有者亦必求之無其病化者恐其邪隱於中如寒勝  
化火之類故無者亦必求之其病之化似盛者恐其盛  
之未的故盛者亦必責之其病之化似虛者恐其虛之  
未真故虛者亦必責之凡一十九條病機皆用此一十  
六字為法求之庶幾補瀉不差也今河間捐此一十六  
字但以病化有者為盛無者為虛而不復究其假者虛  
者為未備此實智者之一失也

五病

**五氣所病**心為噫肺為欬肝為語脾為吞腎為欠為噦  
胃為氣逆為噦為恐大腸小腸為泄下焦溢為水膀胱不

利為癰不約為遺溺膽為怒是為五病宣明五氣論

五味色

色味當五臟白當肺辛當心苦當肝酸當脾甘黑

當腎鹹故白當皮赤當脉青當筋黃當肉黑當骨五臟生成篇

目赤色者病在心白在肺青在肝黃在脾黑在腎黃色


不可名者病在胃中尺論病診

五脉

五脉應象肝為弦心脉鉤難經改脾脉代難經改肺脉

毛難經改腎脉石難經改

海藏四正脉傷之圖



色青者其脉弦也赤者其脉鉤也黃者其脉代也白者

其脉毛黑者其脉石見其色而不得其脉反得相勝之脉則死矣得其相生之脉則病已矣邪氣臟腑

**難經**言見其色而不得其脉反得相勝之脉者即死得相生之脉者病即自已色之與脉當參相應為之奈何然五臟有五色皆見於面亦當於寸口尺內相應假令色青其脉當弦而急色赤其脉浮大而散色黃其脉中緩而大色白其脉浮濇而短色黑其脉沉濡而滑此所謂五色之與脉當參相應也脉數尺之皮膚亦數脉急尺之皮膚亦急脉緩尺之皮膚亦緩脉濇尺之皮膚亦濇脉滑尺之皮膚亦滑五臟各有聲色臭味當於寸口尺內相應其不相應者病也假令色青其脉浮濇而短若大而緩為相勝浮大而散若小而滑為相生也十三 假令得肝脉其外證善

潔面青善怒其內證臍左有動氣按之牢若痛其病四肢

滿閉淋洩便難轉筋有是者肝也無是者非也 假令得  
心脉其外證面赤口乾善笑其內証臍上有動氣按之牢  
若痛其病煩心心痛掌中熱而吮有是者心也無是者非  
也晚切 假令得脾脉其外證面黃善噫善思善味其內  
証當臍上有動氣按之牢若痛其病腹脹滿食不消體重  
節痛怠墮嗜臥四肢不收有是者脾也無是者非也 假  
令得肺脉其外證面白善嚏悲愁不樂欲哭其內証臍右  
有動氣按之牢若痛其病喘咳灑淅寒熱有是者肺也無  
是者非也 假令得腎脉其外證面黑善恐數欠其內証  
臍下有動氣按之牢若痛其病逆氣小腹急痛泄如下重  
足脛寒而逆有是者腎也無是者非也十六  
有正經自病有五邪相干已上經又皆診正經自病其五  
邪相干診法附在治法門



相合脈

**海藏**相合脈變脈之相合各有虛實不可作一體觀之假令洪弦相合洪客

弦主也子能令母實也弦洪相合弦客洪主也母能令子

虛也洪強相合見于春為子能令母實也弦洪相合見于夏為母能令子虛也○又如沉澹相合見于秋亦子

能令母實也澹沉相合見于冬亦母能令子虛也餘皆倣此至於手足之經亦相合假

令傷寒膀胱脈浮堅而洪者即手足經合也餘倣此

**海**脈不勝者挾其子之勢也脈弦而入金之分非火之勢

則不敢侵金之分弦而帶數甲經於申也緊而帶洪

壬經於丙也

五發五亂

**素**五病所發陰病發於骨陽病發於血陰病發於肉陽病

發於冬陰病發於夏是五發也五邪所亂凡邪入於陽則

狂邪入於陰則痺搏陽則為癰疾搏陰則為瘕陽入之陰

則靜陰出之陽則怒是為五亂宣明五氣篇

五亂

**難**脈有陰陽之法何謂也然呼出心與肺吸入腎與肝呼

吸之間脾受穀味也其脉在中浮者陽也沉者陰也故曰陰陽也心肺俱浮何以別之然浮而大散者心也浮而短濇者肺也腎肝俱沉何以別之然牢而長者肝也按之濡舉指來實者腎也脾者中州故其脉在中是陰陽之法也

四 脉有輕重何謂也然初持脉如三菽之重與皮毛相

得者肺部也如六菽之重與血脉相得者心部也如九菽之重與肌肉相得者脾部也如十二菽之重與筋平者肝部也按之至骨舉指來疾者腎部也故曰輕重也

右以脉之輕重候五臟

素尺內兩候則季脇也尺外以候腎尺裏以候腹中

上左外以候肝內以候膈左關脉也脉經左

胃內以候脾右關脉也脉經右關

上附上右外以候脉

脉候脾胃與經文同

內以候胃中

右寸脉也脉經右寸脉以候肺大腸

左外以候心內以候膻

中

左寸脉也脉經左寸脉以候心小腸

前以候前後以候後上竟上者胃

喉中事也下竟下者少腹腰股膝脛足中事也

脉要精微論

內經以寸關尺脉候臟腑者止於如此至難經始定寸

關尺爲三部浮中沉爲九候至後世但診寸關尺之三

部湮晦其足手面之三部爲大失也

**無擇**

心部在左手寸口屬手少陰經與小腸手太陽經合

肝部在左手關上屬足厥陰經與膽足少陽經合腎

部在左手關後尺中屬足少陰經與膀胱足太陽經合

肺部在右手關前寸口屬手太陰經與大腸手陽明經合

脾部在右手關上屬足太陰經與胃足陽明經合右

腎部在右手尺中屬手厥陰心包絡與三焦手少陽經合

**難**脉有三部部有四經手有太陰陽明足有太陽少陰爲

上下部何謂也然手太陰陽明金也足太陽少陰水也金生水水流下行而不能上故在下部也足厥陰少陽木也生手太陽少陰火火炎上行而不能下故為上部手心主少陽火生足太陰陽明土土主中宮故在中部也此皆五行子母更相生養者也十八

**東垣**兩手攪抄於前俱仰其手掌左手居外右手居裏則木火土金水五行相序而經絡四時之令無差忒矣六微旨大論曰顯明之右君火之位也君火之右退行一步相火治之復行一步土氣治之復行一步金氣治之復行一步水氣治之復行一步木氣治之復行一步君火治之是次列五行相生之理也

攪抄兩手六脉  
五行相生之圖

手心主少陽火生足

太陰陽明土

足太陰陽明土生手

太陰陽明金

手太陰陽明金生足

太陽少陰水

主少陽火

行而能下生手心

手太陽少陰火炎上

太陽少陰火

足厥陰少陽木生手

陰少陽木

下而能上生足厥

足太陽少陰水流

素帝曰何謂三部岐伯曰有下部有中部有上部部各有

三候三候者有天有地有人也必指而導之乃以為真上



部天兩額之動王註云在額兩傍上部地兩頰之動

脉王註云在鼻孔下兩傍近上部人耳前之動脉王註云在

耳前陷者中動中部天手太陰也王註云在掌後寸口

手中部地手陽明也王註云在手大指次指岐中部

人手少陰也謂掌後銳骨之分下部天足厥陰也王註云

指本節後二寸下部地足少陰也王註云在足內踝後

分動應下部人足太陰也王註云在魚腹上越筋間直

於手候胃氣者當取足趾之故下部之天以候肝地以

候腎人以候脾胃之氣中部天以候肺地以候胃中之氣

人以候心上部天以候頭角之氣地以候口齒之氣人以

候耳目之氣九候之相應也上下若一不得相失一候

後則病二候後則病甚三候後則病危所謂後者應不俱

也王註曰俱猶三部九候皆相失者死上下左右之脉

同也一也

相應如參春者病甚上下左右相失不可數者死中部之  
候雖獨調與衆臟相失者死察九候獨小者病獨大者病  
獨疾者病獨遲者病獨熱者病獨寒者病獨陷下者病比

並三部  
九候論

右以三部九候候五臟

面診  
用

庭者首面也闕上者咽喉也闕中者肺也下極者心也

直下者肝也肝左者膽也下者脾也方土者胃也中央者

大腸也挾大腸者腎也當腎者膽也面王以上者小腸也

面王以下者膀胱子處也顴者肩也顴後者臂也臂下者

手也目內眥上者膺乳也挾繩而上者背也循牙車以下

者股也中央者膝也膝以下者脛也當脛以下者足也巨

分者股裏也巨屈者膝膕也此五臟六腑肢節之部也庭

額中也闕中者兩眉之間也下極者兩目之間也直下者  
兩鼻而下也方者鼻庭也面王者鼻柱之端也蓋自顴而

下關上屬首咽喉之部分也自關中循臍而下卑端屬肺  
心肝脾腎五臟之部分也自目內眥扶臍而下至承漿屬  
胃大腸小腸膀胱六腑之部分也自頤頰而下頰則屬肩  
臂手之部分也自牙車而斜下頤頰股膝脛足之部分也  
經云五臟大在于中央六腑挾其兩側首面各有部分有部  
上于陽庭王官在于下極者正謂此也  
分用陰和陽用陽和陰當明部分萬舉萬當能別左右是  
謂大道男女異位故曰陰陽審察澤夭謂之良工沉濁爲  
內浮澤爲外黃赤爲風青黑爲痛白爲寒黃而膏潤爲膿  
赤甚者爲血痛甚爲癰寒甚爲皮不仁五色各見其部察  
其浮沉以知淺深察其澤夭以觀成敗察其散搏以知遠  
近視色上下以知病處積神於心以知往今故相氣不微  
不知是非屬意勿去乃知新故色明不掩沉夭爲甚不明  
不澤其病不甚其色散駒駒然未有聚其病散而氣痛聚  
未成也腎乘心心先病腎爲應色皆如是男子色在于面  
王爲小腹痛下爲卵痛其圓直爲莖痛高爲本下爲首狐



面癢陰之屬也女子在于面王為膀胱子處之病散為痛  
 搏為聚方圓左右各如其色形其隨而下至眦為淫有潤  
 如膏狀為暴食不潔左為左右為右其色有邪聚散而不  
 端面色所指者也色者青黑赤白黃皆端滿有別鄉別鄉  
 赤者其色亦大如榆莢在面王為不日其色上銳首空上  
 向下銳下向在左右如法以五色命臟青為肝赤為心白  
 為肺黃為脾黑為腎肝合筋心合脉肺合皮脾合肉腎合  
 骨也五色篇



五臟六腑

鼻者肺之官也目者肝之官也口唇者脾之官也舌者心  
之官也耳者腎之官也故肺病者喘息鼻張肝病者皆青  
脾病者唇黃心病者舌捲短顙赤腎病者顙與顏黑五臟  
結色起兩眉薄澤者病在皮唇青黃赤白黑者病在肌  
肉榮衛濡然者病在血氣目色青黃赤白黑者病在筋耳  
焦枯受塵垢病在骨衛氣失

黃帝曰五臟之氣閱于面者余已知之矣以肢節知而閱  
之柰何岐伯曰五臟六腑者肺為之蓋巨肩陷咽喉見其  
外五臟六腑者心為之主缺盆為之道髑骨有餘以候髑  
骨肝者主為將使之候外欲知堅固視目大小脾者主為  
衛使之迎糧視唇舌好惡以知吉凶腎者主為外使之遠  
聽視耳好惡以知其性黃帝曰善願聞六腑之候岐伯曰  
六腑胃為之海廣骸大頸張胃五穀乃容臍隧以長以候

五色  
肢節  
麻府

大腸唇厚人中長以候小腸目下暴大其膽乃橫臍孔在  
外膀胱漏泄臍柱中央起三焦乃約此所以候六腑者也  
論

赤色小理者心小麤理者心大無腧者心高腧小短  
舉者心下腧髀長者心下堅腧髀弱小以薄者心脆腧髀  
直下不舉者心端正腧髀倚一方者心偏傾也 心小則  
安邪弗能傷易傷以憂心大則憂不能傷易傷於邪心高  
則滿於肺中悅而善忘難開以言心下則蔽外易傷於寒  
易恐以言心堅則蔽安守固心脆則善病消痺熱中心端  
正則和利難傷心偏傾則操持不一無守司也

白色小理者肺小麤理者肺大巨肩反膺陷喉者肺高合  
腋張脇者肺下好肩背厚者肺堅肩背薄者肺脆背膺厚  
者肺端正脇偏踈者肺偏傾也 肺小則少飲不病喘咳

肺大則多飲善病胸痺喉痺逆氣肺高則上氣肩息欬肺下則居貴迫肺善脇下痛肺堅則不病欬上氣肺脆則苦病消痺易傷肺端正則和利難傷肺偏傾則胸偏痛也青色小理者肝小蒼理者肝大廣胃反散者肝高合脇兎骸者肝下胃脇好者肝堅脇骨弱者肝脆膺腹好相得者肝端正脇骨偏舉者肝偏傾也肝小則臟安無脇下之病肝大則逼胃迫咽迫咽則苦膈中且脇下痛肝高則上支賁切脇挽爲息賁肝下則逼胃脇下空脇下空則易受邪肝堅則藏安難傷肝脆則善病消痺易傷肝端正則和利難傷肝偏傾則脇下痛也

黃色小理者脾小蒼理者脾大揭唇者脾高唇下縱者脾下唇堅者脾堅唇大而不堅者脾脆唇上下好者脾端正唇偏舉者脾偏傾也脾小則臟安難傷于邪也脾大則

苦湊眇而痛不能疾行脾高則眇引季脇而痛脾下則下  
加于大腸下加于大腸則臟苦受邪脾堅則臟安難傷脾  
脆則善病消瘴易傷脾端正則和利難傷脾偏傾則善滿  
善脹也

黑色小理者腎小麓理者腎大高耳者腎高耳後陷者腎  
下耳堅者腎堅耳薄不堅者腎脆耳好前居牙車者腎端  
正耳偏高者腎偏傾也腎小則臟安難傷腎大則善病  
腰痛不可以俛仰易傷以邪腎高則苦背脊痛不可以俛  
仰腎下則腰尻痛不可以俛仰爲孤疝腎堅則不病腰背  
痛腎脆則善病消瘴易傷腎端正則和利難傷腎偏傾則  
苦腰尻痛也

性診  
五藏

五臟皆小者少病苦焦心大愁憂五臟皆大者緩于事難  
使以憂五臟皆高者好高舉措五臟皆下者好出人下五

臟皆堅者無病五臟皆脆者不離于病五臟皆端正者和利得人心五臟皆偏傾者邪心而善盜不可以爲人平反覆言語也

皮肉爪  
脈診六

肺應皮皮厚者大腸厚皮薄者大腸薄皮緩腹裏大者大腸大而長皮急者大腸急而短皮滑者大腸直皮肉不相離者大腸結

心應脉皮厚者脉厚脉厚者小腸厚皮薄者脉薄脉薄者小腸薄皮緩者脉緩脉緩者小腸大而長皮薄而脉衝小者小腸小而短諸陽經脉皆多紆屈者小腸結

脾應肉肉脰堅大者胃厚肉脰麼者胃薄肉脰小而麼者胃不堅肉脰不稱身者胃下胃下者管約不利肉脰不堅者胃緩肉脰無小裏累者胃急肉脰多少裏累者胃結胃結者上管約不利也

肝應爪爪厚色黃者膽厚爪薄色紅者膽薄爪堅色青者  
膽急爪濡色赤者膽緩爪直色白無約者膽直爪惡色黑  
多紋者膽結也

腎應骨密理厚皮者三焦膀胱厚麤理薄皮者三焦膀胱  
薄疎腠理者三焦膀胱緩皮急而無毫毛者三焦膀胱急  
毫毛美而麤者三焦膀胱直稀毫毛者三焦膀胱結也本

篇

尺診廣  
府

黃帝問余欲無視色持脉獨調其尺以言其病從外知內  
爲之柰何岐伯曰審其尺之緩急小大滑瀉肉之堅脆而  
病形定矣視人之目窠上微癰如新臥起狀其頸脉動時  
欬按其手足上窅而不起者風水膚脹也尺膚滑其淖澤  
者風也尺肉弱者解休安臥脫肉者寒熱不治尺膚滑而  
澤脂者風也尺膚濡者風痺也尺膚麤如枯魚之鱗者水

沃飲也尺膚熱甚脉盛躁者病溫也其脉盛而滑者病且出也尺膚寒其脉小者泄少氣尺膚炬然先熱後寒者寒熱也尺膚先寒久大之而熱者亦寒熱也肘所獨熱者腰以上熱手所獨熱者腰以下熱肘前獨熱者膺前熱肘後獨熱者肩背熱臂中獨熱者腰腹熱肘後處以下三四寸熱者腸中有虫掌中熱者腹中熱掌中寒者腹中寒魚上白肉有青血脉者胃中有寒尺炬然熱人迎大者當奪血尺堅大脉小甚少氣惋有加立死

論疾診尺篇

**雜** 臍頭色青腹中痛舌冷者死臍頭色微黑者有水氣色黃者胃上有寒色白者亡血也設微赤非特者死其目正圓者瘥不治又色青為痛色黑為勞色赤為風色黃者便難也鮮明者有雷飲言遲者風也掣頭言者其裏痛也行遲者其表疆也坐而伏者短氣也坐而下一膝者必腰



痛也裏實護腹而懷卵者必心痛也師持脉病人久者無病也脉之因伸者無病也假令向壁臥聞師到不驚起而目眴視若三言三止脉之咽唾此爲詐病假令脉自和更言此病大重當須服吐下藥針灸數十百處乃愈病者素不應食而反暴思之必發熱也師曰息搖肩者心中堅息引胃中上氣者欬息張口短氣者肺痿吐沫師曰病人語聲寂然善驚呼者骨節間病語聲喑暗然不徹者心膈間病語聲啾啾細而長者頭中病

經脉一來而久住者宿病在心主中治脉二來而久住者病在肝支中治脉三來而久住者病在脾下中治脉四來而久住者病在腎間中治脉五來而久住者病在肺支中治五脉病虛羸人得此者死所以然者藥不得而治針不得而及盛人可治氣全故也

診虛實法

診寒熱法

俱入治法

診病傳變

診病將死期  
入診生死條

病傳變

素帝曰病成而變何謂岐伯曰風成爲寒熱痺成爲消中

厥成爲癰疾久風爲飧泄脉風成爲癰病之變化不可勝

數

脉要精微論

曰二陽之病發心脾有不得隱曲女子不月

其傳爲風消其傳爲息責者死不治曰三陽爲病發寒

熱下爲癰腫及爲痿厥喘病其傳爲索澤其傳爲頰疔

曰一陽發病少氣善欬善泄其傳爲心掣其傳爲膈二

陽一陰發病主驚駭背痛善噫善欠名曰風厥二陰一

陽發病善脹心滿善氣三陽三陰發病爲偏枯痿易四

肢不舉

陰陽別論

黃帝問曰五臟六腑寒熱相移者何岐伯曰腎移寒於肝

癰腫少氣脾移寒於肝癰腫筋攣肝移寒於心狂膈中心

移寒於肺肺消肺消者飲一洩二死不治肺移寒於腎爲  
涌水涌水者按腹不堅水氣客於大腸疾行則鳴濯濯如  
囊裹漿水之病也脾移熱於肝則爲驚衄肝移熱於心則  
死心移熱於肺傳爲膈消肺移熱於腎傳爲柔痊腎移熱  
於脾傳爲虛腸澼死不可治胞移熱於膀胱則癰溺血膀  
胱移熱於小腸膈腸不便上爲口糜小腸移熱於大腸爲  
虛瘕爲沉大腸移熱於胃善食而瘦入謂之食飮胃移熱  
於膽亦曰食飮膽移熱於腦則辛癩鼻淵鼻淵者濁涕下  
不止也傳爲衄衄瞋目故得之氣厥也論氣厥

診病愈劇

病愈劇  
應時日

靈黃帝曰夫百病者多以旦慧晝安夕加夜甚何也岐伯  
曰朝則人氣始生病氣衰故旦慧日中人氣長長則勝邪  
故安夕則人氣始衰邪氣始生故加夜半人氣入臟邪獨

居於身故甚也黃帝曰其時有反者何也岐伯曰是不應  
四時之氣臟獨主其病者是必以臟氣之所不勝時者甚  
以其所勝時者起也

一日分爲四時篇

肝主春足厥陰少陽主治其日甲乙病在肝愈于夏  
夏不愈甚於秋秋不死持於冬起於春禁當風肝病者  
愈在丙丁丙丁不愈加於庚辛庚辛不死持於壬癸起于  
甲乙肝病者平旦慧下晡甚夜半靜

心主夏手少陰太陽主治其日丙丁病在心愈在長夏  
長夏不愈甚於冬冬不死持於春起於夏禁溫食熱衣  
心病者愈在戊己戊己不愈加於壬癸壬癸不死持於甲  
乙起於丙丁心病者日中慧夜半甚平旦靜

脾主長夏足太陰陽明主治其日戊己病在脾愈在秋  
秋不愈甚於春春不死持於夏起於長夏禁溫食飽食濕

地滯水 脾病者愈在庚辛庚辛不愈加於甲乙甲乙不

死持於丙丁起於戊巳 脾病者日昃慧日出甚下晡靜

肺主秋主太陰陽明主治其日庚辛 病在肺愈在冬冬

不愈甚於夏夏不死持於長夏起於秋禁寒飲食寒衣

肺病者愈在壬癸壬癸不愈加於丙丁丙丁不死持於戊

巳起於庚辛 肺病者下晡慧日中甚夜半靜

腎主冬足少陰太陽主治其日壬癸 病在腎愈在春春

不愈甚於長夏長夏不死持於秋起於冬禁犯焠煖熱食

溫炙衣 腎病者愈在甲乙甲乙不愈甚於戊巳戊巳不

死持於庚辛起於壬癸 腎病者夜半慧四季甚下晡靜

夫邪氣之客於身也以勝相加至其所生而愈至其所

不勝而甚至其所生而持自得其位而起必先定五臟之

脉乃可言間甚之時死生之期也脈氣法時論

右以五臟時日占病愈甚極準錢仲易深得此理學者

宜究心而又擴充之

診病其損

病在臟沉而大者其病易已小為逆病在腑浮而大者

其病易已脉口滑小緊以沉者病益甚在中人迎氣大

緊以浮者其病益甚在外脉口滑以沉者病日進在內

人迎脉滑盛以浮者病日進在外脉口浮滑者病日進

人迎沉而滑者病日損

五色篇

### 診生死

察形氣色脉定生死

凡治病察其形氣色澤脉之盛衰病之新故乃治之無

後其時形氣相得謂之可治色澤以浮謂之易已脉從四

時謂之可治脉弱以滑是有胃氣命曰易治取之以時形

氣相失謂之難治色天不澤謂之難已脉實以堅謂之益

甚脉逆四時為不可治必察四難而明告之所謂逆四時

者春得肺脉夏得腎脉秋得心脉冬得脾脉其至皆懸絕  
沉濇者命曰逆四時

五機真義論

氣實形實氣虛形虛此其

常也反此者病穀盛氣盛穀虛氣虛此其常也反此者病  
脉實血實脉虛血虛此其常也反此者病

刺志論

氣虛身

熱此謂反也穀入多而氣少此謂反也穀不入而氣多此

謂反也脉盛血少此謂反也脉少血多此謂反也 氣盛

身寒得之傷寒氣虛身熱得之傷暑穀入多而氣少者得

之有所脫血濕居下也穀入少而氣多者邪在胃及與肺

也脉少血多者飲中熱也脉大血少者脉有風氣水漿不

入此之謂也

同上

形盛脉細少氣不足以息者危形瘦脉

大胃中多氣者死形氣相得者生參互不調者病三部九

候皆相失者死上下左右之脉相應如參者病甚上下

左右相失不可數者死中部之候雖獨調與衆臟相失者

死中部之候相減者死月內陷者死

全文見前上  
下條下同

形肉

已脫九候雖調猶死

【靈】熱病脉靜汗已出脉盛躁是一逆也病泄脉洪大是二

逆也着痺不移脰肉破身熱脉偏絕是三逆也淫而奪形

身熱色天然白及後下血衄血衄篤重是謂四逆也寒熱

奪形脉堅搏是謂五逆也

五禁篇○脰渠損切  
肘膝後肉如塊者

腹脹身

熱脉大是一逆也腹鳴而滿四肢清泄其脉大是二逆也

衄而不止脉大是三逆也咳且溲血脫形其脉小勁是四

逆也欬脫形身熱脉小以疾是謂五逆也如是者不過十

五日而死矣其腹大脹四末清脫形泄甚是一逆也腹脹

便血其脉大時絕是二逆也欬溲血形肉脫脉搏是三逆

也嘔血胃滿引替脉小而疾是四逆也欬嘔腹脹且飧泄

其脉絕是五逆也如是者不及一時而死矣工不察此者



而刺之是謂逆治玉版篇○

**素**熱而脉靜泄而脫血脉實病在中脉虛病在外脉堅濇

者皆難治平人氣

**仲**脉曰脉病人不病名曰行尸以無主氣卒眩仆不識人

者短命則死人病脉不病名曰內虛以有正氣雖困無苦

左有病而右痛右有病而左痛下有病而上痛上有病

而下痛此爲逆逆者死不可治 肥人脉細小如絲欲絕

者死 羸人脉躁者死 人身濇而脉往來滑者死 人

身小而脉往來大者死 人身大而脉往來小者死 人

身短而脉往來長者死 人身長而脉往來短者死 人

身滑而脉往來濇者死

**靈**五臟者中之守也中盛臟滿氣勝傷恐者聲如從室中

言是中氣之濕也言而微終日乃復言者此奪氣也衣被

不飲言語善惡不避親疎者此神明之亂也倉廩不藏者

是門戶不要也水泉不止者是膀胱不藏也得守者生失

守者死脉要精微論五臟者身之強也頭者精神之府頭傾

視深精神將奪矣背者胃中之府背曲肩垂府將壞矣腰

者腎之府轉搖不能腎將憊矣膝者筋之府屈伸不能行

則僂俯筋將憊矣骨者髓之府不能久立行則振掉骨將

憊矣得強者生失強者死五臟之氣故色見青如草

茲者死黃如枳實者死黑如焰者死赤如衄血者死白如

枯骨者死此五色之見死也五臟生成篇○衄青如翠

羽者生亦如鷄冠者生黃如鰓腹者生白如豕膏者生黑

如鳥羽者生此五色之見生也同上生於心如以縞裹朱

生於肺如以縞裹紅生於肝如以縞裹紺生於脾如以縞

裹紫生於腎如以縞裹紫此五臟所生之外榮也同上

夫精明五色者氣之華也赤欲如白裏朱不欲如赭白欲如鶩羽不欲如鹽青欲如蒼壁之澤不欲如藍黃欲如羅裹雄黃不欲如黃土黑欲如重漆色不欲如地蒼精微

論  
**華**病人面目俱等者不死

**素**面黃目青面黃目赤面黃目白面黃目黑者皆不死也面青目青面赤目白面青目黑面黑目白面赤目青皆死也王註云凡色見黃者為有胃氣故不死五臟以胃為本故無黃色皆自死焉○五臟生成篇

**華**病人面青目白者死病人面青目黃者五日死

病人着床心痛短氣脾竭內傷百日後愈能起傍徨因坐於地其立倚床能治此者可謂神良病人面赤目白者十日死憂患思慮心氣內索面色反好急求棺槨病人面赤目青者六日死病人面黑目白者八日死腎氣內

傷病因留積 病人面黑目直視惡風者死 病人面白

目黑者死此謂榮華已去血脉空虛赤色出兩額大如

母指者病雖小愈必卒死全文見暴死○額額骨也東垣

顯赤色于兩額若塗胭脂之狀而又且圓也病至于此不

可久居于世譬猶根本已竭枝葉未即衰落亦如紅霞滿

天者是也 遍顴頤病人耳目及顴頤赤者死在五日中 黑色出

於庭大如母指必不病而卒死全文見暴死 病人黑出於

額上髮際下直鼻脊兩顴上者亦死在五日中 病人黑

氣出天中下至年上顴上者死 病人及健人或黑色及

白色起入目及鼻口者死在三日中 病人耳目鼻口有

黑色起入于口者必死 病人面黑兩脇下滿不能自轉

反者死 病人面黑唇青者死 病人面青唇黑者死

病人及健人面忽如馬肝色望之如青近之如焦黑者死

病人面無精光若土色不受飲食者四日死 病人目

無精光及牙齒黑色者不治

按脉

五邪所見春得秋脉夏得冬脉長夏得春脉秋得夏脉

冬得長夏脉是謂五邪皆同命死不治宣明五氣篇○仲

何以言至秋當死春日二月之時脉當濡弱反得毛脉者

故知至秋死二月肝用事肝脉屬木應濡弱反得毛脉者

是肝脉也肺屬金金 春胃微弦曰平弦多胃少曰肝病

來龍木故知死是也 但弦無胃曰死胃而有毛曰秋病毛甚曰今病藏真散於

肝肝藏筋脉之氣也 平肝脉來奕弱招招如揭長竿末

稍曰肝平春以胃氣為本病肝脉來盈實而滑如循長竿

曰肝病死肝脉來急益勁如新張弓弦曰肝死

夏胃微鈞曰平鈞多胃少曰心病但鈞無胃曰死胃而有

石曰冬病石甚曰今病藏真通於心心藏血脉之氣也

平心脉來累累如連珠如循琅玕曰心平夏以胃氣為本

病心脉來喘喘連屬其中微曲曰心病死心脉來前曲後  
居如操帶鉤曰心死

秋胃微毛曰平毛多胃少曰肺病但毛無胃曰死毛而有  
弦曰春病弦甚曰今病藏真高於肺以行榮衛陰陽也

平肺脉來厭厭翕翕如落榆莢曰肺平秋以胃氣爲本病  
肺脉來不上不下如循鷄羽曰肺病死肺脉來如物之浮  
如風吹毛曰肺死

冬胃微石曰平石多胃少曰腎病但石無胃曰死石而有  
鉤曰夏病鉤甚曰今病藏真下於腎腎藏骨髓之氣也

平腎脉來喘喘累累如鉤按之而堅曰腎平冬以胃氣爲  
本病腎脉來如引葛按之益堅曰腎病死腎脉來發如奪  
索辟辟如彈石曰腎死

長夏胃微奕弱曰平弱多胃少曰脾病但代無胃曰死奕

弱有石曰冬病弱甚曰今病藏真濡於脾脾藏肌肉之氣也平脾脉來和柔相離如鷄踐地曰脾平長夏以胃氣為本病脾脉來實而盈數如鷄舉足曰脾病死脾脉來銳堅如鳥之啄如鳥之距如屋之漏如水之流曰脾死已上並見平人氣象論

真肝脉至中外急如循刀刃責責然如按琴瑟弦色青白不澤毛折乃死仲景云肝死藏浮之弱按之如索不來或曲如蛇形者死真心脉至

堅而搏如循薏苡子累累然色赤黑不澤毛折乃死仲景云死藏浮之脉實如豆麻擊手按之益燥者死真肺脉至大而虛如以毛羽中

人膚色白赤不澤毛折乃死仲景云肺死藏浮之虛按之弱如葱葉下無根者死

真腎脉至搏而絕如指彈石辟辟然色黑黃不澤毛折乃死仲景云腎死藏浮之堅按之亂如轉丸益下入大中者死真脾脉至弱而乍疎乍

數色黃青不澤毛折乃死仲景云脾死藏浮之大堅按之如覆杯紫紫然如蠶者死

諸真藏脉見皆為死不治也。黃帝曰見真藏曰死何

也岐伯曰五臟者皆稟氣於胃胃者五臟之本也臟氣者

不能自致于手太陰必因於胃氣乃至手太陰也故五

臟各以其時自為而至于手太陰也故邪氣勝者精氣衰

也故病甚者胃氣不能與之俱至于手太陰故真藏之氣

獨見獨見者病勝藏也故曰死已上並玉機真藏篇人以水穀為

本故人絕水穀則死脉無胃氣亦死所謂無胃氣者但得

真藏脉不得胃氣也平人氣象論所謂陰者真藏也見則為

敗敗必死也所謂陽者胃脘之陽也陰陽別論凡持真脉之

藏脉者肝至懸絕急十八日死心至懸絕九日死肺至懸

絕十二日死腎至懸絕七日死脾至懸絕四日死上同

**論**寸脉下不至關為陽絕尺脉上不至關為陰絕此皆不

治決死也若計其餘命死生之期以月節剋之也王註云陽絕死



於春夏陰絕死於  
秋冬此言甚應

**經**所謂五十榮者五臟皆受氣持其脉口數其至也五十

動而不一代者五臟皆受氣四十動一代者一臟無氣

云却後四歲  
春草生而死三十動一代者二臟無氣

脉經云却後二  
歲葉熟而死十動一代者三臟無氣

脉經云却後二  
歲葉熟而死十動一代者四臟

無氣

脉經云却後二  
歲葉熟而死十動一代者五臟

無氣

脉經云却後二  
歲葉熟而死十動一代者五臟

無氣

脉經云却後二  
歲葉熟而死十動一代者五臟

無氣

脉經云却後二  
歲葉熟而死十動一代者五臟

故知一臟無氣者腎氣先盡也

**經**按脉之來緩而時一止復來者名曰結陰也又脉來動

促代

而中止更來小數中有還者及動名曰促陽也脈來動而中止不能自還者動而中止復來如前名曰代陰也得此脈者必難治

自還者動而中止復來數於前動也不能自還者動而中止復來如前動同而不數也

**活**有結脈有促脈有代脈結者陰也陰盛則結脈來緩時一止復來曰結主留滯煩躁促者陽也陽盛則促脈來數時一止復來曰促主積聚氣痞憂思所成大抵結促之脈雖時一止為病脈非死脈也唯代脈者真死矣往來緩動中止不能自還因而復動名曰代也代者死也仲景傷寒脈結代心動悸炙甘草湯主之

生脈指

脈四至三日死脈四至者平人一至病人脈四至也熱病脈五至一日死時一大至半日死忽忽悶亂者

雜診死

死 熱病脉六至半日死忽忽疾大至有頃死 熱病脉  
四損三日死所謂四損者平人四至病人脉一至名曰四  
損 熱病脉五損一日死所謂五損者平人脉五至病人  
脉一至名曰五損 熱病脉六損一時死所謂六損者平  
人脉六至病人脉一至名曰六損若絕不至或久乃至立  
死

平人不病脉來如屋漏雀啄者死 此脾真藏脉也王註

而止時時復起而不相連屬也 脉來如彈石去如解索

者死 此腎真藏脉也王註云彈石者辟眩急 病人脉如

蝦之遊如魚之翔者死 王註云蝦遊者再冉而起尋復退

如也 脉如轉豆者死 脉如轉豆者死脉

如偃刀者死脉涌涌不夫者死脉忽去忽來暫止復來者

死脉分絕者死 脾豆者心真臟脉偃刀者肝真 三部脉

脉忽去忽來者脾真臟脉也

神說

診病傳  
生死

如釜中湯沸朝得暮死半夜得日中死日中得半夜死

雖寸口脉平而死者何謂也然諸十二經脉者皆係於生

氣之原所謂生氣之原者謂十二經之根本也謂腎間動

氣也此五臟六腑之本十二經脉之根呼吸之門三焦之

原一名守邪之神故氣者人之根本也根絕則莖葉枯矣

寸口脉平死者生氣獨絕於內也

八難一謂兩手寸關尺脉皆平而難也

五臟相通移皆有次五臟有病則各傳其所勝不治法

三月若六月若三日若六日傳五臟而當死風者百病

之長也今風寒客於人使人毫毛畢直皮膚閉而為熱當

是之時可汗而發也或痺不仁腫痛當是之時可湯熨及

火灸刺而去之弗治病入舍於肺名曰肺痺發欬上氣弗

治肺即傳而行之肝病名曰肝痺一名曰厥脇痛出食當

是之時可按若刺耳弗治肝傳之脾病名曰脾風發痺腹

中熱煩心出黃當此之時可按可藥可浴王註云出黃謂黃色出于便溲

之所弗治脾傳之腎病名曰疝瘕少腹冤熱而痛出白一

名曰蠱當此之時可按可藥弗治腎傳之心病筋脉相引

而急病名曰癰當此之時可灸可藥弗治滿十日者法當

死腎因傳之心心即復反傳而行之肺發寒熱法當三歲

死此病之次也然其卒發者不必治於傳或其傳化有不

以次不以次入者憂恐悲喜怒令不得以其次故令人有

大病矣因而喜大虛則腎氣乘矣怒則肝氣乘矣悲則肺

氣乘矣恐則脾氣乘矣憂則心氣乘矣此其道也故病有

五五五二十五變及其傳化傳乘之名也王機真藏論

右邪初入表蓋傳之緩者也

夫病傳者心病先心痛一日而咳心火傳肺也三日脇肢痛肺

傳肝五日閉塞不通身痛體重脾金傳也三日不已死冬夜

半夏日中 肺病喘欬三日而脇肢滿痛肺金傳一日身

重體痛五日而脹肝木一日傳脾土十日不已死冬日入

夏日出 肝病頭目眩脇肢滿三日體重身痛五日而脹

肝木三日傳脾土三日腰脊少腹痛脛痠脾土傳三日

不已死冬日入夏早食 脾病身痛體重一日而脹脾土傳

二日少腹腰脊痛脛痠三日背脇筋痛小便閉脾土傳

三日傳十日不已死冬人定夏晏食 腎病少腹腰脊痛

脛痠三日背脇筋痛小便閉腎傳三日腹脹膀胱水傳

三日兩脇肢痛兩脇筋也二日不已死冬大晨夏晏瞋

胃病脹滿五日少腹腰脊痛脛痠胃土傳三日背脇筋

痛小便閉腎傳五日身體重膀胱水傳六日不已

死冬夜半後夏日暈 膀胱病小便閉五日少腹脹腰脊

痛脛痠膀胱傳一日腹脹腎火傳二日身體痛小腸傳

痛亦二日不已死冬鷄鳴夏下晡諸病以次是  
靈樞無是字

相傳如是者皆有死期不可刺問一臟止

靈樞無是字及至三

四臟者乃可刺也

標本病傳論

右靈樞謂之大氣入臟蓋傳之急者也王註云有緩傳者有急傳者緩者或一歲二歲三歲而死其次或三月若六月而死急者一日二日三日四日或五六日而死則此類也王氏此言甚能推廣經意然不能驗日數者但驗病之次傳如心先病心痛次傳於肺或欬或喘次傳於肝或脇痛或頭眩次傳於脾胃或閉塞不通或身痛體重或脹或泄次傳於腎膀胱或少腹腰脊痛脛痠或背脇筋痛小便閉如此曰必死無疑累驗有准鄰人趙氏始肝病脇痛半載次傳之脾腹脹而死又卜叔英嫂氏始肺病咳嗽次傳之肝頭眩不寐次傳之脾腹脹

釋次傳  
間傳生

而死又楊白藤師始脾病腹痛次傳之膀胱小便淋瀝  
次傳之心胃痺痛通身青脉而死矣蓋心主血脉故也

**經**言七傳者死間臟者生何謂也然七傳者傳其所勝  
也間臟者傳其子也何以言之假令心病傳於肺肺傳於  
肝肝傳於脾脾傳於腎腎傳於心一臟不再傷故言七傳  
者死也間臟者傳其所生也假令心病傳脾脾傳肺肺傳  
腎腎傳肝肝傳心是母子自相傳周而復始如環之無端  
故言生也

五十  
三難

經言者素問靈樞二經之病傳論所言也七傳當作次  
傳次傳者死即素靈二經病傳論言諸病以次相傳皆  
有死期不可刺者是也心火傳所勝之肺金肺金傳所  
勝之肝木故曰傳其所勝也間臟者生即素靈二經病  
傳論言間一臟及至三四臟乃可刺者是也蓋心病本



傳肺肺本傳肝肝本傳脾今心病間肺一臟傳肝或間肺肝二臟傳脾肝木生心火心火生脾土故曰傳其所生也難經諸證惟呂廣釋七傳為次傳為得經旨虞庶父非是註而穿鑿釋之實秦越人呂廣之罪人也活傷寒入裏見標脉則生假令胃病下之脉浮而汗出是也雜病出表見標脉則死假令脾病補之脉弦而面青者是也

診死期

**九**候之脉皆沉細懸絕者為陰主冬故以夜半死盛躁喘數者為陽主夏故以日中死寒熱病者以平旦死熱中及熱病者以日中死病風者以日夕死病水者以夜半死脉乍疎乍數乍遲乍疾者日乘四季死三部肝見庚辛死心見壬癸死脾見甲乙死肺見丙丁死腎見戊癸死是謂真臟見皆死平人氣五臟受氣於其

所生傳之於其所勝氣舍於其所生死於其所不勝病之  
且死必先傳行至其所不勝病乃死此言氣之逆行也故  
死上

肝受氣於心傳之於脾氣舍於腎至肺而死

緩者秋死急者庚辛日及日晡死是也

心受氣於脾傳之於肺氣舍於肝至腎而死

緩者冬死急者壬癸日及夜半死也

脾受氣於肺傳之於腎氣舍於心至肝而死

緩者春死急者甲乙日及朝死也

肺受氣於腎傳之於肝氣舍於脾至心而死

緩者夏死急者丙丁日及日中死也

腎受氣於肝傳之於心氣舍於肺至脾而死

緩者長夏死急者戊己日及戌辰丑未死也

五臟傷  
外期

此皆逆死也。一日一夜五分之。此所以占死生之早暮也。

王機直藏論。○甲乙經死生作死者。一日一夜五分之。謂朝主所書主心辰戌丑未主脾。主肺。主肝。主腎也。

大骨枯槁。大肉陷下。胷中氣滿。喘息不便。其氣動形。期六

月死。真臟脉見。乃予之期日。

王註云。皮膚乾著。骨間肉陷。謂人骨枯槁。大肉陷下也。真

臟脉形見。前按脉條。

大骨枯槁。大肉陷下。胷中氣滿。喘息不便。內痛引肩項。期

一月死。真臟見。乃予之期日。

大骨枯槁。大肉陷下。胷中氣滿。喘息不便。內痛引肩項。身

熱。脫肉破脰。真臟見。十日之內死。

王註云。腦謂肝。膝後肉也。如塊者。屬渠損切。

大骨枯槁。大肉陷下。肩髓內消。動作益衰。真臟未見。期一

歲死。見其真臟。乃予之期日。

王註云。肩髓內消。謂缺盆深也。動作衰。謂交接微也。

大骨枯槁。大肉陷下。胷中氣滿。腹內痛。心中不便。肩項身

熱。破脰脫肉。目眶陷。真臟見。目不見人。立死。其見人者。至

五神傷  
死期

五臟論

其所不勝之時則死 急虛身中卒至五臟絕閉脉道不

通氣不往來譬於墮溺不可為期其脉絕不來若人一息

五六至其形肉不脫真臟雖不見猶死也

林註云一息當作一呼一吸止

是故怵惕思慮者則傷神神傷則恐懼流淫而不止因

悲哀動中者竭絕而失生喜樂者神憚散而不藏愁憂者

氣閉塞而不行盛怒者迷惑而不治恐懼者神蕩憚而不

收

本神篇下同

心怵惕思慮則傷神神傷則恐懼自失破脛脫肉毛悴色

夭死于冬

脾愁憂而不解則傷意意傷則悞亂四肢不舉毛悴色夭

死于春

肝悲哀動中則傷魂魂傷則狂妄不精不精則不正當人

陰縮而攣筋兩脇骨不舉毛悴色夭死于秋

肺喜樂無極則傷魄魄傷則狂狂者意不存人皮革焦毛

悴色夭死于夏

腎盛怒而不止則傷志志傷則喜忘其前言腰脊不可以

俛仰屈伸毛悴色夭死于季夏

恐懼而不解則傷精精傷則骨痠痿厥精時自下是故五

臟主藏精者也不可傷傷則失守而陰虛陰虛則無氣無

氣則死矣

診經終  
命絕

瞳子高者太陽不足戴眼者太陽已絕此決死生之要

不可不察

三部九候  
論下同

足太陽氣絕者其足不可屈伸死必戴眼 太陽之脉其

終也戴眼反折痠癢其色白絕汗乃出出則死矣

診要經  
絡篇下

同○凡痼疾亦戴眼矣崑崙穴即瞳下不聚也若灸崑崙  
仍眼戴不下者是為太陽絕也王註絕汗謂出汗如珠不

流復旋  
乾也

少陽終者耳聾百節皆縱目眚絕系絕系一日半死其死

也色先青白乃死矣景謂直視如驚也

陽明終者口目作動善驚妄言色黃其上下經盛不仁則

終矣王註云經氣謂脈也

少陰終者面黑齒長而垢腹脹閉上下不通而終矣而黑者手

少陰經齒長者足少陰經

太陰終者腹脹閉不得息善噫善嘔嘔則逆逆則面赤不

逆則上下不通不通則面黑皮毛焦而終矣

厥陰終者中熱噤乾善溺心煩甚則舌卷卵上縮而終矣

此十二經之所敗也

**靈**手太陰氣絕則皮毛焦太陰者行氣溫于皮毛者也故

氣不榮則皮毛焦皮毛焦則津液去皮節津液去皮節者

則爪枯毛折毛折者則毛先死丙篤丁死火勝金也經脈

手少陰氣絕則脉不通脉不通則血不流血不流則髦色不澤故其面黑如漆柴者血先死壬篤癸死水勝火也足太陰氣絕者則脉不榮肌肉唇舌者肌肉之本也脉不榮則肌肉軟肌肉軟則舌痿人中滿人中滿則唇反唇反者肉先死甲篤乙死木勝土也

足少陰氣絕則骨枯少陰者冬脉也伏行而濡骨髓者也故骨不濡則肉不能著也骨肉不相親則肉軟却肉軟却故齒長而垢髮無澤髮無澤者骨先死戊篤己死土勝水也

足厥陰氣絕則筋絕厥陰者肝脉也肝者筋之合也筋者聚于陰器而脉絡于舌本故脉弗榮則筋急筋急則引舌

與卯故唇青舌卷卯縮則筋先死庚篤辛死金勝木也  
五陰氣俱絕則目系轉轉則目運目運者為志先死志先  
死則遠一日半死矣

六陽氣絕則陰與陽相離離則腠理發泄絕汗乃出故曰  
占夕死夕占旦死

**仰**脉浮而洪身汗如油喘不休水漿不下體形不仁乍靜  
乍亂者此為命門絕也又未知何臟先受其災若汗出髮  
潤喘不休者此為肺先絕也陽反獨留形體如烟煤直視  
搖頭者此為心絕也唇吻反青四肢熱熱汗出者此為肝  
絕也環口鰥黑柔汗發黃者此為脾絕也溲便遺尿狂言  
目反直視者此為腎絕也又未知何臟陰陽相絕若陽氣  
前絕陰氣後竭者其人死身色必青陰氣前絕陽氣後竭  
者其人死身色必黃腋下溫心下熱也 六腑氣絕于外



絕雅客

者手足寒上氣脚縮五臟氣絕于內者利不禁下甚手足不仁

病入肝絕八日死何以知之面青但欲伏眠目視而不

見人汗出如水不止一云二日死也病人膽絕七日死何以知

之眉為之傾病人筋絕九日死何以知之手足爪甲青

呼罵不休一云八日死病人心絕一日死何以知之肩息回

視立死一云二日死病人腸絕六日死何以知之髮直如

乾麻不得屈伸自汗不止一云小腸絕病人脾絕十二日死

何以知之口冷足腫腹熱臛脹泄利不覺出無時度一云五日死

病人胃絕五日死何以知之脊痛腰中重不可反覆

病人肉絕六日死何以知之耳乾舌背腫滅

血大便赤泄一云九日死病人肺絕三日死何以知之

張但氣出而不還一云鼻口虛張短氣病人大腸絕不治何以知

之泄利無度利絕則死、病人腎絕四日死何以知之齒  
為暴枯面為正黑目中黃色腰中欲折自汗出如流水  
人中平七日死、病人骨絕齒黃落十日死、諸浮脉無根者皆  
死已上五臟六腑為根也、

**論五臟絕**病人五臟已奪神明不守聲嘶者死、病人循

衣縫譫語者不可治陽明絕、病人陰陽俱絕掣衣掇空妄

言者死、病人妄語錯亂及不能語者不治熱病者可治、

已上三條皆陽明絕、病人陰陽俱絕失音不能言者三日半死、

病人臥遺尿不覺者死陽明絕、病人尸臭者不可治、病

人面見白直視肩息者一日死陽明絕、病人陰結陽絕目

睛眊眊者死、病人陰陽絕竭目眊陷者死、病人目系

傾者七日死、病人口如魚口不能復閉而氣出多不反

者死、病人口張者三日死、病人唇青人中反者死脾

同絕下

病人唇反人中滿者死

病人唇口忽乾者不治

詳

病人唇腫齒焦者死

腎

病人陰陽俱竭其齒如

燕小豆其脉駛者死

病人齒忽變黑者十三日死

少陰

病人舌卷卵縮者必死

厥陰

病人汗出不流舌卷黑

者死

太陰厥

病人髮直者十五日死

少陰

病人髮如

乾麻善怒者死

少陰

病人髮與眉衝起者死

同上

病人

爪甲青者死

病人爪甲白者不治

病人手足爪甲下

肉黑者八日死

病人榮衛竭絕面浮腫者死

病人卒

腫其面蒼黑者死

病人手掌腫無文者死

病人臍腫

反出者死

臍反出者此

病人陰囊並俱腫者死

病人

脉絕口張足腫五日死

病人足跗上腫兩膝大如斗者

十日死

諸脉診病雜法

浮脉主病

諸脉診病雜法者竊恐迷亂診病大綱故以雜法名之也  
凡前篇脉之浮沉遲數虛實洪細滑澀所指陰陽表裏寒  
熱血虛氣實之病者皆診病之大綱學者常須識此勿令  
悞也故內經論脉主病必以陰陽相對言之或以五臟分  
配言之未嘗雜他法者欲人識其綱也故診病先定大綱  
然後雜究諸病如診得浮脉大綱主表也沉脉大綱主裏  
也然後雜究其或屬寒屬風屬氣等病之類是也餘見如  
左方

**無**

浮為在表

為風

為氣

為熱

為痛

為嘔

為脹

為痞

為喘

為厥

為內結

為滿不食

浮

大為臌塞

為緩為不仁

浮大長為風眩顛疾

浮滑

疾為宿食

浮大濇為宿食滯氣

浮短為肺傷諸氣

浮滑

浮滑為飲為泄利

浮細而滑為傷飲

浮滑疾緊為百

病

病

病

病

合病 浮數爲大便堅小便數 浮緊爲淋爲癃閉

**東垣**辨脉浮所主病不同○浮者沉之反也管腎然見於皮毛上與皮毛相得微按之則絕無有如空中之浮雲所主病一則爲風一則爲虛古人云浮而有熱者虛也浮而無熱者風也予謂此未盡善蓋風有八風寒熱溫涼各各不同其中有風熱止言脉浮雖不能分別八面之風燕見脉候止說浮而已須燕見的證單在一臟或兩臟相合亦足以分何臟之病言風無熱則非也况八風之脉皆見於左手寸脈外側若右手行陰道脉中受虛邪賊邪之風亦於氣口外側顯見推而內之外而不內者是也其虛勞脉雖有傳變必顯於內側六脉互傳皆爲不足之病則是五臟傳變必從四時傳變於外六腑乃受之如是則勝復之作不能相過此之謂也若浮而弦者風也見於左關浮而

泄者虛也見於右寸

肝脉主

寸主為吐血 微主為衄血 關主為大便血出

尺主為下焦虛小便血出 為咳

腎脉主

滑為血 為滿 為熱 為伏痰 為宿食 為畜血

為癰閉 為痺 為血氣俱實 滑而浮散為癰瘰 滑

數為結熱 滑實為胃實 滑利為妊娠 滑而大小不

勻必吐為病進為泄利 滑而浮大小腹痛弱則陰中痛

大便亦然

滑而浮曰風

脾脉主

為噦 為痛 為氣寒 為喘咳 為大便

不禁 實緊為陰不勝陽 為胃寒 為腰痛

肺脉主

弦為寒 為痛 為飲 為癰 為水氣 為中虛 為

厥逆 為拘急 為寒痺 弦緊為惡寒 為疝瘕 為

癰 弦而鈞為脇下刺痛 弦長為積隨左右上下

但弦則衛氣不行

紫脉主病

無微紫為寒 為痛 為咳 為喘 為滿 浮紫為肺

有水 紫而滑為衄 紫為通尺 紫數為寒熱 動為

宿食 為逆痛

盛而紫曰脹

本聖記有人患傷寒六七日心煩昏睡咽燥小便白色自

汗予診之寸口尺中俱紫予曰寒中少陰之經是以脉紫

仲景云脉紫而汗出者亡陽也屬少陰法當咽痛而復下

利蓋謂此也有難之曰脉訣紫脉屬七表仲景以紫脉屬

少陰然則紫脉屬陽耶屬陰耶予言仲景云寸口脉俱紫

者清邪中於上焦濁邪中於下焦又云陰陽俱紫者口中

氣出唇口乾燥蹠臥足冷庫中涕出舌上滑胎勿妄治也

病  
此  
王

又云緊則爲寒。又云諸緊爲寒。又曰曾爲人所難。緊脉從何而來。師云假令亡汗若吐以肺裏寒故令脉緊。假令咳者坐飲冷水故令脉緊。假令下利以胃虛故令脉緊。又云寸口脉微尺脉緊其人虛損多汗由是觀之則是寒邪之氣久客經脉所致。皆虛寒之脉也。其在陽經則浮而緊。在陰經則沉而緊。故仲景云浮緊名爲傷寒。又曰陽明脉浮而緊者必潮熱。此在陽則浮而緊也。在陰則沉而緊。故仲景云寸口脉微尺脉緊其人虛損多汗則陰當先絕而不見陽。又云少陰緊至七八日自下利脉暴微手足反溫脉紫反去者此欲解也。此在陰則沉而緊也。仲景云浮爲在表沉爲在裏數爲在腑遲爲在臟欲知表裏臟腑先以浮沉遲數爲定然後兼於證而別陰陽也。

**無擇**

洪爲脹

爲滿

爲痛

爲熱

爲煩

洪實爲癰



大脉主病

洪紫為癰疽 為喘急亦為脹 洪浮為陽邪來見

**素**龐大者陰不足陽有餘為熱中也脉要精大則病進

丹溪云大洪之別名其病得之於內傷者陰虛為陽所乘故脉大當作虛治之其病得之於外傷者邪客於經脉亦大當作邪勝治之合二者觀之皆病方長之勢也謂之病進不亦宜乎海藏云君侵臣是也

**促**平人脉大為勞 大則為虛

數脉主病

**無**搏數為熱為虛 為吐 為痛 為煩渴 為煩滿

促脉主病

經無文

釋曰其促有五 一曰氣 二曰血 三曰飲 四曰食 五曰痰

但臟熱則脉促以氣血痰飲壅滯不行則止促非惡脉

也

散脉主病

經無文

釋曰六腑氣絕於外則手足寒上氣五臟氣絕於內則

下利不禁甚者不仁其脉皆散散則不聚病亦危矣

革脉革為滿、為急、為虛寒相搏、半產漏下。

釋曰革者革也、固結不移之狀、三部應之皆危脉也、

微脉主病

微為虛、為弱、為衄、為嘔、為泄、為亡汗、為拘急、微弱為少氣、為中寒、

沉為在裏、為實、為水、為寒、為喘、為癥、沉弱

為寒熱、沉細為少氣、臂不能舉、沉滑為風水、為下

重、沉緊為上熱下冷、沉重而直前絕者為汚血、沉

重而中散者為寒食成癥、沉重不至寸、細絕者為遁尺

沉緊為懸飲、沉遲為痼冷、沉重為傷寒發熱、

緩脉主病

緩為在下、為風、為寒、為弱、為痺、為疼、為不

仁、為氣不足、為眩暈、緩而滑為熱中、緩而遲虛

寒相搏、食冷則咽痛

溢脉主病

溢為少血、為亡汗、熱氣不足、為逆冷、為下痛、

爲心痛 澁而緊爲痺 爲寒濕

**素**脉澁曰痺

**四**脉之狀不一 大率多兼見之 人之病有四曰實曰熱曰寒曰虛 故學者診亦必浮沉遲數爲之綱 以察病情 初學者又以浮數爲熱 爲有餘 沉遲爲寒 爲不足 其間最難體認者 澁脉也 最難調治者 弦脉也 澁脉細而遲 往來難且散 又曰短而止 得此脉者 固爲寒 爲濕 爲血虛 爲汚血 爲氣多 然亦有病熱與實者 或者得脉之帶澁 徒見其有細有遲 又散 皆是不足之象 便以爲虛 而寒猛浪用藥 寧不悞人 若夫或因多怒 或因憂鬱 或因厚味 或因補劑燥劑 或因表裏無汗 氣騰血沸 清化爲濁 老痰凝血 膠固難揉 脉道澁滯 亦見澁狀 參之形證 病情 斯得先賢曰 澁而堅按之不減 有力爲中焦實 有伏結 脾肺氣寒 實熱在胃中

可不慎歟。弦爲春令之脉，非春時而見者，木爲病也。五臟更相制伏，以防其太過。木爲病，則肝邪盛矣。肝之盛，金之衰也。金之衰，火之炎也。火之炎，水之弱也。金不足以制木，則土病矣。攷之諸家，則曰：弦者，虛也。爲反胃、爲痛痺、沉弦爲疝瘕、弦長爲積病、雙弦爲寒飲、雙弦而遲爲心下堅、偏弦飲也、弦急爲腹痛、弦而鈞主蜚尸、弦緊而微細主寒積、微弦而伏主癥、不治弦而大主半產漏下、亡血失精、弦而小主寒痺、弦在左寸頭痛、弦在右寸水走腸胃、弦在左關怒而血聚、弦在右關寒痛、四肢拘急、弦在趺陽腸痔下血、弦在尺中小腹痛、白腸挺核、木邪風氣上極、土敗爲病、先哲蓋常言之矣。惟金因火伏，木寡于畏之論，猶未發明，倘非滋水以降火，厚土以養金，而又以行濕散風導鬱爲之輔佐，邪何由去，病何由安。况弦脉爲病甚多，而治法又有

遲脈主

病

伏脈主

病

濡脈主

病

弱脈主

病

細脈主

病

隔二隔三之異故不容於自默也若曰不然何弦屬陽而仲景列沉瀉弱微弦為五陰之數至於敗散殘賊之脉又以弦為之首瀉為之中其意可見滑扶

**無擇**遲為寒、為痛、遲而澁為癥瘕咽酸、

伏為霍亂、為疝瘕、為水氣、為溏泄、為停痰、為

宿食、為諸氣上衝、為惡膿死肌

濡為虛、為痺、為自汗、為氣弱、為下重、濡而弱

為內熱外冷自汗、為小便難、

弱為虛、為風熱、為自汗、

細為血氣俱虛、為病在外、為積、為傷濕、為後泄

為寒、為神勞、為憂傷過度、為腹滿、細而緊為

癥瘕積聚、為刺痛、細而滑為僵仆、為發熱、為嘔

吐

動脈主病

動為痛 為驚 為癢 為泄 為恐

虛脈主病

虛為寒 為脚弱 為虛 為食不消化 為傷暑

結脈主病

結為痰 為飲 為血 為精 為氣

病

釋曰氣寒脈緩則為結氣熱脈數則為促雖緩數不同亦當如促脈分別可也

代脈代者一臟絕他臟代至

釋曰代真死脈不分三部隨應皆是

三部主三焦病

**脈經**寸浮則中風 寸扎則胃中積血 寸滑則嘔逆

寸實則胃中熱 寸弦則胃中急痛 寸緊則頭項急

寸洪則熱甚於胃中 寸微則陽虛 寸沉則陰中伏陽

胃中痰 寸緩則太陽中濕 寸溢則中氣虛 寸遲則

陰溢於上 寸伏則胃中積氣 寸濡則多自汗 寸弱

則陽氣虛微

關浮則腹脹滿 關扎則腸中積血 關滑則胃寒不能食 關實則胃中切痛 關弦則胃寒不能食 關緊則腹中鬱結 關洪則番胃吐食 關微則氣結於心下 關沉則心下痛 關緩則腰痛難伸 關澁則血少而留 停 關遲則粥漿不入 關伏則腸癖瞑目 關濡則少氣精神散 關弱則胃氣虛

尺浮則大便乾澁 尺扎則小便有血 尺滑則下焦停寒 尺實則小腹痛小便不禁 尺弦則下焦停水 尺緊則臍腹痛 尺洪則陰絕 尺微則臍下有積 尺沉則腰脚重 尺緩則飲食不消 尺澁則逆冷傷血 尺遲則寒甚於腰脚 尺伏則殮泄穀不化 尺濡則骨肉不相親 尺弱則陰氣內絕

雜診

**經**夫脉者血之府也長則氣治短則氣病數則煩心大則

病進上盛則氣高下盛則氣脹代則氣衰細則氣少澁則心痛渾渾革至如湧泉病進而色敝綿綿其去如弦絕者死

脈要精微論

寸口之脈中手短者曰頭痛寸口脈中手長者曰足脛痛

寸口脈中手促上擊者曰肩背痛脈小弱以澁者謂之

久病脈滑浮而疾者謂之新病已上平人氣象論徵其脈小色

不奪者新病也徵其脈不奪其色奪者此久病也徵其

脈與五色俱奪者此久病也徵其脈與五色俱不奪者

新病也推而外之內而不外有心腹積也王註云脈附

審推筋令達使脈外行而不出外者心腹積也推而內之外而不內身有熱也

王註云脈遠臂筋推之令近遠而不近身有熱也推而上之上而不下腰足清

也也上而不治宜舉之也推而下之下而不上頭項痛

也也下而不上甲乙經作上而不下用宜抑之也按之至骨脈氣少者腰脊痛



損傷脉  
移常處

而身有痺也

已上脉要  
精微論

**圖**按開寶寺僧衣鉢甚厚常施惠於人孫重之與往還一日謂孫曰某有一事於翁約賞罰為戲可否孫曰如何為賞罰僧曰若診吾脉若知某病賞三十千為一筵若不中罰十千歸小僧孫曰諾與之診左手無脉右手有脉遂尋左手之脉乃轉左臂上動搖如常孫曰此異脉也醫書不載脉行常道豈有移易之理往昔少年為驚撲震動心神脉脫舊道乍移臂外復遇驚撲不能再歸年歲長大氣血已定不能復移目下無病爾僧曰某襁褓而撲皆幾死固宜脉失所某亦平生無病亦不曾診脉聞公神醫試驗之果神醫也

診一歲病證相同

一歲病證相同者五運六氣所為之病也五運六氣之病

有常有變難診另詳於運氣類證今但取常而不變者編之

合 八 風 虛 實 邪 正

立秋 坤 玄委 夏至 離 上天 巽 陰洛

秋分 兌 倉果 中央 招搖 震 倉門

立冬 乾 新洛 冬至 坎 叶聲 立春 艮 天仙

立秋二

玄委 西南方

秋分七

倉果 西方

立冬六

新洛 西北方

夏至九

上天 南方

招搖中央

冬至一

叶聲 北方

立夏四

陰洛 東南方

春分三

倉門 東方

立春八

天角 東北方

太乙移宮

太乙占法

太乙常以冬至之日居叶蟄之宮四十六日明日居天  
魚四十六日明日居倉門四十六日明日居陰洛四十六  
日明日居天宮四十六日明日居玄委四十六日明日居  
倉果四十六日明日居新洛四十五日明日復居叶蟄之  
宮曰冬至矣太乙日遊以冬至之日居叶蟄之宮數所在  
日從一處至九日復反於一常如是無已終而復始太  
乙移日天必應之以風雨以其日風雨則歲美民安少病  
矣先之則多雨後之則多旱太乙在冬至之日有變占  
在君太乙在春分之日有變占在相太乙在中宮之日有  
變占在吏太乙在秋分之日有變占在將太乙在夏至之  
日有變占在百姓所謂有變者太乙居五宮之日風折  
樹木揚沙石各以其所主占貴賤因視風所從來而占之  
風從其所居之鄉來爲實風主生長養萬物從其衝後來

爲虛風傷人者也。主殺主害謹候虛風而避之。故聖人曰避虛邪之道如避矢石然。邪弗能害此之謂也。是故太乙入徙立於中宮。乃朝八風以占吉凶也。風從南方來名曰大弱風其傷人也。內舍於心外在於脉其氣主爲熱風從西南方來名曰謀風其傷人也。內舍於脾外在於肌其氣主爲弱風從西方來名曰剛風其傷人也。內舍於肺外在於皮膚其氣主爲燥風從西北方來名曰折風其傷人也。內舍於小腸外在於手太陽脉脉絕則溢脉閉則結不通善暴死風從北方來名曰大剛風其傷人也。內舍於腎外在於骨與肩背之膂筋其氣主爲寒風從東北方來名曰鹵風其傷人也。內舍於大腸外在於兩脇腋骨下及肢節風從東方來名曰嬰兒風其傷人也。內舍於肝外在於筋紐其氣主爲身濕風從東南方來名曰弱風其傷人也。內

舍於胃外，在肌肉，其氣主體重。此八風皆從其虛之鄉來，乃能病人。三虛相搏，則為暴病卒死。兩實一虛，病則為淋露寒熱。犯其雨濕之地，則為痿。故聖人避風如避矢石焉。其有三虛而偏中於邪風，則為擊仆偏枯矣。九宮八風篇

中宮之日，立春立夏立秋立冬四日，屬四維，中央之土也。太乙入徙立於中宮，當作立於五宮。

黃帝曰：願聞歲之所以皆同病者何因？而然？少師曰：此八正之候也。黃帝曰：候之奈何？少師曰：候此者，當以冬至之日，太乙立於叶蟄之宮，其至也，天必應之以風雨。風雨從南方來者，為虛風，賊傷人者也。其夜半至者，萬民皆臥而弗犯，故其歲民小病。其以晝至者，萬民懈惰而皆中於虛風，故萬民多病。虛邪入客於骨而不發於外，至其立春，陽氣大發，腠理開，因立春之日，風從西方來，萬民又皆中於

虛風此兩邪相搏經氣結代者矣故諸逢其風而遇其雨者命曰遇歲露焉因歲之和而少賊風者民少病而少死歲多賊風邪氣寒溫不和則民多病而死矣黃帝曰虛邪之風其所傷貴賤何如候之柰何少師荅曰正月朔日太乙居天畱之宮其日西北風不雨人多死矣正月朔日平旦北風春民多死正月朔日平旦北風行民病多者十有三也正月朔日日中北風夏民多死正月朔日夕時北風秋民多死終日北風大病死者十有六也正月朔日風從南方來命曰旱鄉從西風來命曰白骨將國有殃人多死亡正月朔日風從東方來發屋揚沙石國有大災正月朔日風從東南方行春有死亡正月朔天和溫不風糴賤民不病天寒而風糴貴民多病此所謂候歲之風賊傷人者也二月丑不風民多心腹病三月戌不溫民多寒熱四月

已不暑民多痺病十月申不寒民多暴死諸所謂風者皆  
發屋折樹木揚沙石起毫毛發腠理者也論